

precin a-111/5
LITEARCHIE.

CONTRE LES

PERCITIEVX ESPRITS, LI-
belles, calomnies & Apologies naguieres
faictes par aucuns heretiques ennemis de
Dieu du Roy & des Princes chrestiens au
scandale del'Eglise Catholique Apostolique
& Romaine.

*Pour la conuersion des deuoyez restitution de
l'Estat, & assopissement de ces troubles.*

Reueüe & corrigé par les Docteurs



paris

M. D. LXXXVII.

38

LES BRILLANTS

Le brillant est une pierre précieuse qui se trouve dans les rochers et les montagnes. Elle est très rare et très précieuse. Elle est utilisée pour faire des bijoux et des ornements.

Le brillant est une pierre précieuse qui se trouve dans les rochers et les montagnes. Elle est très rare et très précieuse. Elle est utilisée pour faire des bijoux et des ornements.

Le brillant est une pierre précieuse qui se trouve dans les rochers et les montagnes. Elle est très rare et très précieuse. Elle est utilisée pour faire des bijoux et des ornements.



P
m
uient
leur
hom
Co
de l
main
quan
ge d
narc
Q
pire
Q
men
La
à vn
meux
Mall
rurg
bre
La
à Ne
sage
teurs
Le
disan
les P
Ce
qui s'

Pourquoy ont esté les Roys & Royau- 1.
mes creéz & erigez article dont pro-
uient leur grâdeur & qu'elle puissance Dieu
leur a transferee. En quoy le Royaume des
hommes est comparable a celuy des cieux. 2.

Combien est grande la consequence que
de laisser tomber vne souveraineté en la
main, d'un Prince autre que equitable lequel
quand il fait vne faulte ce n'est au domma-
ge d'une seule famille mais de toute vne Mo-
narchie & Chrestienté quelquefois.

Que signifie ce mot de Royaume ou Em- 3.
pire.

Quel rang y doibuent tenir les Princes &
membres d'iceluy & qu'eile est leur charge.

La cōparaïson d'une Monarchie infectee, 4.
à un corps humain mallade, ou edifice ru-
meux & vitié, à l'un desquels est besoin du
Masson avec ses ferremens, & a l'autre le Ci-
rurgien avec son razoir ou lancette si le mē-
bre est apostumé ou pourri.

La grande imposture & calonnie faicte 5.
à Nosseigneurs de la saincte ligne & de la
sagesse dont ils ont vsé enuers les calomnia-
teurs.

Le peu de cas que les Princes font de mes- 6.
disances, & comme si sont portez autrement
les Princes & Seigneurs.

Ce qu'apportent les medisances à ceux qui
qui s'en aydent, & ce qu'ils ont à considerer

- Le naturel des Huguenots & Ministres, de
 7. qui ils sont procreez & engendrez, & ce
 qu'ils ont fait

Comme par l'aduis des Saincts Docteurs
 les Ministres & faux Predicans ont versé la
 poison dans le Calice d'or, à sçauoir en la
 Saincte escripture.

Comme les Ministres ont au tresgrand re-
 gret des Catholiques empoisonné de leurs
 fauses doctrines aucuns des premiers Prin-
 ces du soing desquels se'dict humble & affe-
 ctionné subiecteur & vassal.

8. Comme nous Catholiques recepuons par
 eux toutes noz desolations & pour les cau-
 ses que le Prophete Hieremie descript auoir
 Hierusalem & Sion esté en leurs temps tant
 affligez.

Similitude des ieunes Princes deuoyez à
 vn voyageur qui ne congnoist le Pays, & qui
 suit le premier mauuais sctier ou l'on la mis.

9. Qu'il n'est raisonnable de remuer sous
 couleur de Religion, ou soulagement du
 peuple tout vng Estat à raison de quelque
 mal contentement comme a tort l'on a vou-
 lu mettre sus ausdicts Seigneurs de la Sain-
 cte ligne.

Que de tout temps les Rois sont en posses-
 sion d'esleuer qui leur plaist par exemple des
 Sainctes histoires.

10. Ce que doiuent aduiser les Roys qui veul-
 lent auancer & ceux qui desirent estre auan-
 cez, & de la belle & louable maniere dont en

vse
 Le
 esté
 tains
 C
 & q
 auar
 auar
 C
 arme
 aultr
 tente
 Q
 esto
 entr
 plus
 C
 Edic
 l'her
 n'au
 uenu
 tous
 se lig
 & en
 Q
 prese
 Roy
 table
 que
 Marc
 C
 Roy

vse le Roy à present.

Les belles remonstrances que sur ce ont esté faictes par aucuns Philosophes à certains Empereurs.

Ceulx qui meritent dons & auancement, & quand les Princes peuuent ou doyuent auant aucun seruice ou merite donner & auancer.

Comme la maiesté a recongnu la prise des armes & present remuemēt occasionnez sur aultre subiect que desdicts dons ou mescontentemens.

Que ce remuement bien ou mal entrepris estoit de necessaire euenement, ainsi que les entreprises Atheniennes qui auoient vne plus belle & heureuse fin que cōmancemēt.

Comme le Roy par son premier & second Edict sur ces occuriences en recongnoist l'heresie & nouuelle Religion seule cause & n'auoir esté entrepris chose qui ne soit aduenue du temps de Philippes Auguste. Que tous les Princes Chrestiens & Catholiques se liguerent contre les infideles & obligeois & encōres de nostre temps & en l'an 1567. II.

Que ores que la prise des armes en ceste presente guerre ayt esté faicte au desceu du Roy n'est toutēffois moins excusable ou mettable que fut enuers Iesus-Christ la hardiesse que print Sainct Pierre d'aualler l'oreille à Marchus sans commandement.

Comme nostre Sainct Pere le Pappe & le Roy nous representent Moyse & Aaron &

doient estre en fraternelle vnion ainsi que ces deux Astres Iumeaux Castor & Pollux.

12. Que le droict diuin approuue pour le regard de la Religion l'antienne auctorité qu'auoient ceux qui portoient tiltre de Duc lesquels pouuoient indifferement guerroyer.

Constitution de l'Empereur Frudericq redigee parmy noz loix ciuiles laquelle permet apres vne requisition & monition au Seigneur temporel s'armer contre les heretiques & s'emparer de leurs biens.

13. Que le Roy à tresprudemment Ratifié ce que ont faict & geré lesdits Seigneurs de la Sainte ligue.

Que les Huguenots scauēt bien faire sonner hault les choses esquelles ils p'ésent auoir les Catholiques tant soit peu failly & faire leurs accoustumees hostilitéz & crimes de leze Maieité Diuine & humaine moindres que petits Atomes.

14. Les desolations & miseres que nous ont apporté depuis l'an 1560. iusques icy les Ministres & Huguenots.

15. Nosseigneurs de la Sainte ligue recongneuz vrais Mont Athlas de la Religion Catholique qu'ils ont tousiours portee sur leurs espauls comme Athlas le ciel & d'icelle restauree.

Dont vient ce mot de Lites & pourquoy est c'est œuure intitulé lirearchie.

16. Qu'elles grandes calamitez & deplorations en l'Eglise Catholique si le Roy que

Dieu nous vueille preseruer venoit a faillir.

Que les actions & contenance d'un Roy mauuaises qu'elles soient, seruent d'exemple & sont inuitees ainsi qu'il se veoid par histoires & autoritez antiēnes & modernes.

Que auparauant vne succession ou electiō royalle il fault trouuer tous moyens de ne tomber soubz vn Prince nourricier des heretiques par ce que apres vne reception ny a plus lieu de remede.

Ceux qui paruenz aux Royaumes & Empires ont faict grandes persecutions en l'Eglise Chrestienne & Catholique.

Les Papes Prelats & aultres Catholiques personnes qui ont souffert soubz eux.

Le grand hazard auquel nous sommes de tomber en pareil accidens, & qu'il ne sera plus temps dy donner ordre le mal aduenu.

Les intentions de Messieurs de la Sainte ligue selon Dieu y procedans ainsi que c'est ancien Thrasibule dit à l'heure.

Que permet la loy deūie d'ainsi en vser, & de contraindre les heretiques par main armee de reuenir à l'Eglise.

A iiij

*plazarch.
de Principe
inerudito*

SI nous voulons rechercher l'origine de l'institution grandeur & puissance d'un Roy, & de son estat, nous les recongnoistrôs prouenir de ce grand maistre, & ouurier de nature, lequel apres auoir produict, & formé l'homme, & (comme le plus noble dentre les creatures doué, sorty, & partage d'un esprit, & ame celeste, faict mesmes participant de sa diuinité, affin de luy donner vne pre-seance, & pouuoir sur le bel ouurage des choses que cy bas il a faict naistre necessaire à l'vsage humain, & preueu que d'un si grand, & infuay nombre de ses dons ny auoit moyen s'en ayder, & vser droictement sans loy. Sans iustice, ne sans Prince, constitua le Royaume des hommes, auquel establit vn Roy & Prince pour exercer l'œuure de la loy, lequel il effigia au plus naïf de sa semblance, & le plus approchant de ses perfections, pour donner sa Lieutenance, & gouuernement de son peuple, le constituant en terre de mesme represantion, de lumiere qu'il a colloqué au Ciel pour vne belle marque de sa toute puissance le Soleil, & la Lune. Car pour tel est tenu, & reueré le Prince en vn Royaume, pendant qu'il à la crainte de Dieu dedans le cœur, & l'obseruation de la Iustice empraite en son entendement. Ce que les anciens d'Egipte ont en leur temps assez recogneu, quand pour sa remembrance ilz ont depeinct vn œil avecques vn sceptre. Voullans demonstrier que le Prince est en terre

*D. Augnst.
lib. 5. cap.
2. de ciuita
de*

*Cor. Si er.
go 8. q^u est.
1.*

terre; ce que le Soleil au Ciel. Le Soleil disent les Philosophes est l'œil du monde, & le Prince l'œil de la multitude des hommes. Ce que l'œil est en vn corps, le Prince est vne republique: Ce que l'esprit est en l'homme, le Prince est en son Royaume: Et comme l'esprit par sagesse commande, ainsi le corps par deuoir obeist: Et quant au sceptre, c'est le signal d'vne absolue, & non limite puissance, de pareille efficace, & vertu q̄ ceste verge diuine, qu'erent iadis & en main les Prophetes Moysē, & Aaron, par laquelle miraculeusement ilz alteroient, & changoient les formes, natures, & proprietēz des choses apposees à veue corporelle. Ainsy peult vn Roy par force de son sceptre conuertir toutes faisons de mal en bien: Semblant à vn baston de Plerin, ou voyageur en ce qu'il sert de fourreau à vn glaiue trenchant, sans lequel est toute souueraineté ^{manque}, & a mespris. Cousteau baillé pour retrancher, & separer le mauuais d'avecques le bon, & vsfer de correction, & chastiment en l'endroit des mal viuans, peruers, & obstinez. Et la gainne qui conferue sa luisante splendeur comparee au victorieux, & triomphant baston de laurier, lequel, suyuant l'aduis de Suydas, se portoit ancinnement en signe de seureté ou euation de peril, & dont autresfois se couronna Tybere Cæsar: cōme au boys non subiect à venin; foudre: ne tempeste pour seruir de couuerture, & abry à ceux qui soubz les Loix

*Plutarch.
lib. de inē-
rudi. princ.*

*Suetoni. in
vita. Tybe-
rii.*

Ca. non de Dieu, & de son Eglise, se contenant, &
frustra & soubz mettent à l'obeissance du Prince. Au-
ca. regum quel en est la protection donnee affin (diët le
23. qua. st. Canoniste) que les bons puissent viure par-
5. my les meschans, en repos & seureté. Cestoc
 doncques, & trenchent de ce glaiue ne doit
 estre tourné contre ceux desquels il est la de-
 fense, ny par semblable raison celuy qui la
 en main autrement le manier que faiët celuy
 duquel il tient: Car, comme disent les do-
Ignatius. cteurs, l'on n'est pas proche ou recullé de
 Dieu (qui est partout) a raison du lieu, mais
 des actions d'autant que de mesme sorte que
 la similitude nous separe d'auecques luy aussi
 l'imitation nous y reunist, & conioinct. Or
 l'intention, & but de ceste tant admirable &
 supreme excellence, qui a pris sur elle mes-
 me le modelle, & portraiët du Prince n'a esté
 pour en faire vne statue; ou tableau immo-
 bile: Ains pour luy transferer cy bas les mes-
 me rangs, exercices, & preeminences, que
 son infinie beatitude tiët la sus en son Olym-
pique trosne, ou il est assisté de toutes domi-
 nations, & ordures solemnellemēt arrangees
 & ou luisst vne tant belle glorieuse armee
Gregori. & d'Ange, Archanges, Patriarches, Prophe-
Bonifac. tes, Apostres, Saintz, Martirs, & Ames san-
pap. in ca. ctifices: Ainsi voyons nous en ce monde, par
Ad hoc vne mesme speculation grand nombre de
dist 89. genereux Princes, Ducz, Contes, Seigneurs,
 Cheualliers chefs d'armes, illustres, & specta-
 bles personnes chacun selon son grade, &

ordre ietter vne estincellante lucur au tour
 de ce diademe, louans & magniffians la puis-
 sance diceluy statuee, & authorisee de cest
 eternal: soubz laquelle les corps, les biens
 & la famille sont par subiection vassalle te-
 nues de nuict, de iour, & a toutes heu-
 res, & momens remüer, bransler, & courir
 toutes hazardeuses fortunes. Et ny a chose
 qui puisse attirer les humains en plus grande
 admiration mieux grauer en leurs cœurs, &
 pensees vne Idee, & representation de l'autre
 mode, & côme escriuait Cyrillus à l'Empe-
 reur Theodose, peut augmēter la creāce des
 miraculeux faictz de Dieu, que la iournelle
 vision, & obiect de sa semblance, à qui me-
 me pouuoir, & mesme force sont par con-
 ference du spirituel au corporel donnees, &
 transferees. Car tout ainsi que ceste non me-
 surable bonté diuine magniffiee au cantique
 de la vierge scachant equitablement distri-
 buer ses largesses. & disgraces, renuerse, &
 depose a veüe d'œil les plus grans, exalte les
 plus bas, & petits, remplisse les affamez de
 biens, enuoye aux riches disette: esleuant,
 ainsi que dict le Psalmiste, de rien, & par
 maniere de dire, d'une bouë & fiente le pau-
 ure, iusques a le colloquer au rang des Prin-
 ces, & ceux qui ont domination sur son peu-
 ple: Ainsi peut le Monarque publicq' pere
 de famille, par la force du pouuoir à luy de
 la sus attribué, faire le semblable en son es-
 gard, & donner à ses subiects la pratique

*Spas & tunc**Lab**Cyrill.in
Apolog.
ad Theod.**psal. 137.**Diog Lar.*

rant de ce que le mesme Psalviste nous enseigne de la prouidence diuine qui regarde les choses humbles & de long reconnoist les choses hautement esleuees, que de ce que dist autresfois *Æsop*e, à vn Payen qui l'interrogeoit, que faisoit *Iupiter* au Ciel: Auquel respondit *Æsop*e, qu'il y rabbaissoit ce que luy sembloit outre mesure haut, & esleuoit ce qu'il iugeoit trop bas. Ce qui le doit faire (dict saint *Pierre l'Apostre*) en la vengeance des maluiuans, & louange de ceux qui font bien.

1. Pet. 2.

2. Par laquelle indefinie, & Souueraine puissance, l'on void combien est grande l'importance, & seruitude, que de tomber sous la main d'un Prince qui autrement en veut user, & lequel si en quelque cas il peche, ce n'est au domage d'une seule famille, mais de toute vne Monarchie, & quelquesfois de toute la Chrestienté; Au contraire le grand heur & liberté que d'auoir à faire à un Prince imitateur de Dieu, prudent droitement, & debonnaire. Ce qui a meu le Poete *Claudianus* dire.

Erasm in „
Adag aut „
Regē int „
fururum „

C/audia.

Il est bien fort deceu qui croit en service estre,
 Quand il se diét auoir un prince pour son maistre;
 Trouuer l'on ne scauroit plus grande Liberté,
 Que d'estre sous au Roy remply de pieté.

3. C'Est pourquoy les bons Roys sont appellez protecteurs, & conseruateurs de

la chose publique, à eux commise, & transférée du commun, & populaire accord, & leur autorité dictée principauté, Royaume, ou Empire, que de ligne vne souveraine domination, non sans cause définie par aucuns auteurs charge, & soing de lasanté, & l'alut d'autrui, qui consiste non seulement és choses temporelles, & qui concernent les corps, & biens; Mais aussi spirituelles, & qui touchent l'ame. Pour monstrier que ceste non limitée puissance est fondée sur religion, & crainte de Dieu. Laquelle souveraineté est le chef du corps Monarchiq' & publicq' les principaux membres duquel sont, par l'aduis de l'Empereur Arcadius, les Princes, Pairs, & illustres Seigneurs & Officiers de la Couronne, desquels depend tout le mouvement de ceste principauté, de laquelle ils sont les bastons, & defenses, comme aussi sont ils (dict le Psalmiste) gardes, & boucliers du peuple. A ceux là appartient de soulager leur Prince, & prendre garde au salut manutention, & conseruatiō de ce corps publicq; ainsi que a vn escheuin de ville d'auoir l'œil aux murs, & edifices cheans, & tombans en ruine, de les faire reparer, & rediffier. Comme adonc vn bastimēt redressé, & releué du costé qu'il panché, auparauant l'entiere ruine, est (dict saint Iean Chrysostome) remis sus, & contregardé iusques à vn long temps, avecques peu de peine, & de coust, & sans grand estonnement, qui autrement, & par

*Li. ff. con-
stitu princ.
C. §. sed
C. quod
princip. C.
inst.*

*Animian^o
Marcellin^o*

*L. Quisquis
C. ad Leg.
Iull. Maie-
stas*

Psal. 47.

*4.
Chrisosto.
ham. 2. in
Matthe.*

long succez porteroit ledifice par terre: Aussi vne preueue, & proche ruine, ou maladie d'un corps public peut estre deuancee par vne legere cure, sans grande emotion, ne trouble de l'estat: Ce qui a inuité le Poëte traitant de la guerison du mal de concupiscence de dire,

Ouid. lib. 1. de remedio am. *Preuen le mal naissant, tard l'on donne secours, Quand par l'ogue demeure à le mal pris son cours. Confirmant son dire par ceste raison d'experience;*

Ouid. eode *Vne playe i'ay veu du premier guerissable, Par vn long delayer se trouuer incurable.*

Pour autre exemple dequoy, nous met deuant les yeux ceste similitude de creüe: d'eaus, & riuieres,

Fleues naistre tu voy, de petites fontaines,

Ouid. lib. eodem. *Qui, peu a peu coulans, sont les riuieres pleines.*

Inferant vne submersion, & suffocation par accroissement de mauuaises humeurs, faute d'une tempestiue, & opportune purgation: Par lesquelles mesmes raisons, dict autre Poëte, quant aux bastimens,

Propertius *Autant que la ruine est lente, & peu hastiue, D'autant à se remesre encor plus tardiue.*

Voulant par ces vers monstrier ce que Cornelius Tacitus disoit de l'infirmité humaine laquelle reçoit plus promptemēt maux, que remedes. Et tout ainsi que pour la reparatiō, & refection d'un edifice vicié en quelque endroiēt de la muraille, sont necessaires le marteau, le pic, le ciseau, & les autres ferre-

mens, & queau semblable, pour euacuer vn corps humain de mauuaisés humeurs, la seigneurie y est coustumiérement requise, & necessaire, & en ce faisant le fer, & lancette: Aussi pour le restablissement d'un estat, & Monarchie, dont vne partie des membres sont gastez, & viciez, y doiuent estre apportez le cousteau, le fer, & les armes; Pour (ainsi que autresfois a esté conseillé à l'Empereur Constantin) en trancher, & couper ce qui est hors desirance: apres (dict le Pontife Romain, avecques Ciceron) que la medecine, & la diette (qui est à dire le temporisement) ny ont rien peu apporter: Auquel cas est de besoing recourir au Cirurgien. Ce que malaisement se peut faire sans que la bonne & saine partie n'en ayt quelque sentiment, laquelle doit prendre pour payement & consolation de son mal ces quatre remonstrances de diuers auteurs. La premiere de lactance, qui nous admoneste de souffrir douleur; afin de iouir par apres de quelque chose de bon: La seconde de Bion Borestin, qui souloit dire estre un grand mal que de ne pouuoir endurer mal, sans lequel estoit impossible d'auoir rien ny de doux ny de plaisant en ceste vie: La troiziesme du mesme Poëte qui a voulu medeciner nos maladies d'esprit disant.

*Georgi sabinus in
Metamorp.
Can. Quia
Aliquantis
28.*

*Cicero. lib.
4. Epist. ad
Atticum g.
pist. 3. cōtra
Clodium*

*Lactant.
lib. 3. cap.*

*Lart. lib.
4. cap. 7.*

*Ouide. lib.
eodem de
remed.*

*pour racheter ton corps, feu l'ancette, cotere
Tu souffre & la soif qui grandement t'altère,*

*pour querir ton esprit beaucoup plus precieux.
Si peu que rien parir miserable ne veux.*

La quatriesme de Tibulle, qui nous promet par ces vers, que,

Après plusieurs misérables iournees.

Nous en verrons autres mieux fortunees.

Tibullus.
eleganti.
lib.3.

Or pour concludente similitude des autres precedentes comme ce seroit improprement parler, & prendre les mots a contrepoil que d'attribuer le nom de destructeur, & demolisseur a celuy qui seroit abbattre, & mettre le pic, & marteau en vn pignon, ou partie de muraille entr'ouuerte, pourrie, & corrompue, pour la redresser, rassurer, & fortifier, & comme iniurieusement, & a tort, l'on appelleroit sanguinaire, & homicide le chirurgien, qui se seroit employé à medicamenter, & tirer le mauuais sang. Ainsi est ce vser de mesme impropriété, diametre, & obliquité en l'endroict de ceux, qui par semblables considerations, & preuoyances auroyent voulu mettre la main à la restauration, & reestablishement, de ce corps Monarchiq', que de les qualifier tels, que Catilin, Marius, Scyller, Brutus, Cassig, & autres perturbateurs du repos publicq', & rebelles à la republique, & adiouter foy à ce qu'il appert en fin auoir calomnieusement esté contre eux escript, par plusieurs libelles, peintures, placcards, discours, & Apologies diffamatoires, sous le faux nom du peuple, & des Catholiques: qui ne sont, pour vray dire, que ancre, teinct à
noircir;

noircir, ou fange, dont le propre est de se ietter, & appliquer sur les plus blanches, pures, & nettes choses, afin de les denigrer, & villanner. Ne pouuât ce qui est ord, & fangeux, *Suetonius.* fouiller autre subiect fangeux, & de la mesme teinture, & qualité: Ce qu'ayant ces prudens Princes, & Seigneurs scëu trop mieux considerer, en ont visé de la façon que Tibere Cesar, qui ne volut iamais bailler de mors, & de freing aux mauuaises bouches, ne de censeurs aux escripts, & d'iceux moins encores esmeuz que ne feist iadis le Prince Philemon, des Satyriques Poësmes de Ma- *Claudius.* gas, contre luy en plain Theatre recitez, qui *minos in* pour toute pugnition de ceste publique mes- *emblem.* Al disance, feist donner à l'auteur, noix, detz, *ciat. 148.* pilles, & autres petits iouets, à passer le tēps. *de Plutar-* Pour monstrier que de mesdire, principale- *chus in lib.* ment des grandes, sent plus son enfance que *de tra co-* virilité, & que ceux qui veulent escrimer de *hibenda.* tels bastons, ont quatre choses à considerer. La premiere que l'honneur des Princes est *in sub no-* (dict Phalaris) au regard du commun popu- *mine Pha-* laire, ce que la dure & intrauersable peau de la. l'Indien Elephant, en l'endroiect du foible *Suydas.* aiguillon de la mousche: Par laquelle sem- blable consideration disoit le Roy Agamē- non ne craindre Therſite, homme de basse & petite estoffe, non plus que la tortue les mousches. La seconde, que le feu ne se coupe *Diuus hict.* avec le cousteau: Par laquelle Parcemie, Saint Hierosme, & autres autheurs nous

Demetrius font entendre que le courroux des grans ne
Valerius doit estre ataint, ne picqué par iniurieux
et Dioge- propos. Par ce que d'autant que la flamme est
nes Lact- soufflée, & agitée, plus elle s'escroist. La
ius. troisieme, que comme L'arbalestier, ou Ar-

Paulus 10 Sainct Paul) rien frapper que le vent. Ainsi
Corinth. 9. celuy qui empane sa plume, ou langue de li-

Plato de geres parolles, ou escripts, pour viser haut,
legib. 6. & loing, entreprend (dict Platon) vne chose
 qui ne se peut toucher, ne manier. La qua-

Xennius
Mozellani
lib. 6. trisieme, que l'on n'en peut esperer que, ou le
 triste euenement que *Mozellanus* proposoit
 a *Horace*, pour la liberté par luy prise en ses
 Satyres: Ou la honte d'estre taxé de folle, &

romber sous le iugement des Empereurs
Theodose, *Arcadius*, & *Honorius*, qui esti-
 moyent tels actes proceder ou par legereté,

L. Vnic. C. ou par folle & fureur; ou par lubricité de
fquis imp. la langue. Mais c'est le naturel des Huguenots,
maled. & Ministres semblables en cela à loyscau

d'Egypte nommé *Ibis*, lequel rend ses excre-
 mens par la bouche, & endroict qui doit re-
 ceuoir la seule bonne nourriture, & rien ne
 souffler qui ne soit bien odorant: Ausquels
 sont en apparence les tiltres qu'ils donnent
 aux autres beaucoup plus propres, & conue-
 nables, pour en auoir à armes descouuertes
 commencé le premier exercice, & fait pro-
 fession vingt cinq, & trente ans sont. Manie-
 re de gens congneuz par leurs œuures pro-
 creez, & engendrez de Ate, deesse d'infortu-

Eusebius
Institus.

1477. et

ne (descripte par Homere pour ruine, perdition, combustion, & desolation, & prise par les Saints Docteurs pour Lucifer icété du Ciel) par qui nous auons esté iusques icy tant miserablement persecutez, & dont plusieurs villes, edifices, Temples, & lieux sacrez en portent encores les rouges & flamboyantes marques, & qui a ceste occasion se pourront nommer Athees, comme notoirement sans Dieu, sans loy, sans foy, & religion, lesquels nous en neantmoins voulu par fer, par feu, & par sang planter vne faulx, & tendante à vne liberté de conscience, qui est à dire, de viure epicuriallement & de ne faire jamais aucun bon œuure, & qui ont ainsi que dict Origene verse la poison dans le calice d'or de laquelle ils ont au tresgrand regret de nous Catholiques empoisonné aucuns des premiers Princes du sãg & leurs Peres desquels ils se sont tousiours targuez.

Et pour rescequer l'opinion qui pourroit ietter par tout branches, & sions qu'une particuliere & inegalle affection dexterror inuitast l'autheur de plus curieusement tra- uailer à la decoration, & vtilité de l'un que de l'autre. Il supplie vn chacun croire que le faict de Religion vray plain de ce scisme estoit hors de la cause, & qu'il luy commit prendre party. Il s'y trouuerroit fort empesché, pour estre vassal d'aucuns principaux des deux ligues, qui faict qu'il en discourt comme non moins Zelateur de sa religion,

*Brnd.ens.
ex. Bess-
rion in ca-
lumnias
Platon.*

Origenes.

que mediateur de repos. Ou ainsi qu'un iuge
mitoyant entre deux plaidans, tel que la
voulut l'Empereur Constantin former, &
composer; & plustost à intention de requiere
à repentance les occasionneurs du mal,
que pour renouvelles, ou refriquer, tant les
vieilles playes, que memoire des choses pas-
sées; & les en rendre totalement coupables

Au cōtraire il en reiette la faute partie sur
nos mauuises consciences, pechez, & luxu-
res pour lesquelles Hierusalem, & Sion re-
ceurent en leur temps tant d'afflictions, &
desolations lamentées, & descrites par le
Prophete Hieremie: Partie sur la crudelité
de ieunes Princes, & de leurs deuanciers,
ausquels (vsant de la modestie, & reuerence
telle qu'il appartient en leur endroict, & non
de la façon que ces escriuains, & escolliers
d'Archilochus Poëte picquant, ont fait con-
tre Nosseigneurs de la Sainte ligue) impute-
ra le deffaut, en la mesme sorte que l'on pour-
roit faire à vn voyageur, qui ne congnoist le
pays qu'il trauerse, & qui arriuant à vn car-
refour, & chemin fourché, lors ou il cuide
prendre le bon pour tirer ou il tend, il entre
en celuy qui le destourne, & tant plus va en
auant, il s'esloigne de son but desiré. Ainsi
tant plus sefforcent ces ieunes Princes d'ap-
procher de la verité, tant plus se fouruoient
pour auoir du commencement pris le mau-
uais sentier, auquel les ont mis ces abomina-
bles Ministres, & autres malings seducteurs:

L. vbi cri-
men C. ad
leg. Cor. de
fals.

Bembo A.
Zola.

et 7 pat.
concl.

Cette le-
seruira
voulent
meilleu-
Nor
tion d
couler
posts
pâdr
a fau
te ap
sur
rou
uer
la
m
uo
est
lo
pu
co
e
Y

Contre les calomnieuses inuectiues dequels
seruira ce petit traicté, & a ceux qui ne se
veulent perdre, ou esgarer, ains choisie la
meilleure, & plus certaine part.

Non que ce soit pour donner a la sugges- 1. Regū 25.
tion d'autray, argument d'esnouuoir sous
couleur de religion, ou soulagement d'im-
posts, le peuple a sedition, & aucun sang es-
pādre sans subiect, car permettre persécution
a faux tiltre, cest vrayment ce que le Prophe- Hierem. 7.
te appelle, respañdre le sang innocent au lieu 19. & 22.
sur lequel est inuoqué le nom de Dieu, &
tourner, ou mettre la maison d'iceluy en ca-
uerne de brigans, Ne pour prendre en main
la cause de ceux qui par le seul mescontente-
ment, ou enuie de la prosperité des plus fa-
uoris du Roy vouldroyent rāuer tout vn
estat, si aucuns y auoit conduicts de ceste vo-
lonté, dont l'on ne veoid rien surquoy l'on
puisse rēsoir aucun iugement ny dōner crea-
ce a ce que l'importeur qui a faict l'Apologie
en a escrit contre Nosseigneurs de la Ligue;
D'autant que ce n'est de ce temps que les
Rois sont en possession d'esleuer qui leur
plaist, & que Dieu leur a donné teste puis-
sance. Dequoy nous auōs exemple en Ioseph,
Naaman, Daniel, Mardochee, & autres qui
par bons, & loyaux seruices ont esté aimez,
& auancez de leurs maistres, pour lors
grans Rois de la terre, qu'ils les ont de pres
seconde: Tu seras sur ma maison (dict Pha- Genes. 41.
raon a Ioseph) sur tout le peuple, & pays.

LE PREMIER LIVRE.

d'Égypte tant seulement de ce trosne seray plus grand que toy. Adonc luy mist son anneau en la main, vn collier d'or au col, feist monter au second chariot, & crier deuant luy ployez le genoil, Naam receut approchantes honneurs, & grandeurs du Roy de Syrie, Nabuchodonosor adora Daniel, haut l'esleua; luy feist grans dons, le constitua Prince, & grand Maistre sur toute Babilonne. Assuerus feist vestir Mardochee de vestemēt Royal, coronner de coronne Royale, monter sur son Cheual, & par les rues de la cité crier deuant luy, & en sa presence, Ainsi est honoré l'homme que le Roy veut honorer. Disoit Alexandre le grand de son amy Epheltion, qu'il estoit Alexandre mesmes, diuisa pareillemens sa Monarchie a ses plus nobles seruiteurs, & Cappitaines, luy encores viuant, qui tous apres sa mort obtinrent le Royaume, se coronnerent, & furent Rois: Laisant pour euitier a prolixité, vn grand nombre d'hommes paruenus à merueilleuses prosperitez, par la dilection des Rois, comme Sidrach, Misach, Abdenago, & autres. Non pas que l'on vucille faire enfler de presumption ceux ausquels pourroit rire semblable felicité mo-daine, tant qu'ils ayent licence de desdaigner les Princes, & principaux mēbres de la Coronne, n'y tant rendre recommandable ceste immensité de dons, & auancemens que le donneur, & preneur soyēt le soye d'vne Monarchie, lequel quand il est trop grand en vn

Regū 5.

Daniel 2.

Valerius
Maximus
lib. 4. cap.
7.

Daniel 5.

corps humain il attire, & deuore toute la bõ-
ne substance: Si qu'il rend les autres parties
d'iceluy seiches, & ethiques. Par laquelle
famelique partie, Trayá Empereur a designé
ceux qui ne se contentent descorcher le pau-
vre peuple, mais apres la peau leuee mangēt
la chair iusques aux os, lesquels il appelloit
Dimouores.

Galenus
lib. 4. de
usu pa. rñ
cap. 15.
Troiani
Adobregni
in P. iustarc.

Dont nous François n'auons (graces à
Dieu) subiect de doléance, tant est nostre
Prince raisonnable dispensateur, & tant il a
de parfaict iugement, pour seauoir discern
l'excellence de son pouuoir souuerain, qui est
de s'aider moderement des biens, & moyens
de ses subiects ainsi que faiēt la Maiesté, &
fera s'il (plaist à Dieu,) tousiours de bien en
mieux, d'auccques la detestable violence de
la Tyrannie qui est de tout engloutir, & qui
sait trop mieux prendre garde de ne faire
littiere des grans, ny leur donner occasion
de murmur, à la faueur de ceux qui veullent
bastir leur fortune ce qu'ils doiuent faire
(comme croit l'auteur qu'ils font) en toute
humilité, & auccques le gré, & bienueillan-
ce d'un chacun: Brief de telle sorte que per-
sonne ne soit malcontent, & endommagé.
Ce qui aduient quand vn seul emporte, ce
qui contenteroit beaucoup d'autres grans, &
leur oste ce qu'il leur appartient. Ou il faut
auoir souuenance des autres, & donner lieu
non seulement à l'aduis de l'Empereur Cõ-
stantin, lequel trouuoit beaucoup meilleur

Suidas.

que les richesses publiques feussent espar-
duës en diuers costes, que reseruees en vn
seul; mais aussi a ce que dist autrefois Aga-
sicles a certain autre Empereur soy informât
comme il pourroit estre aymé, & reueré de
les subiects. Auquel respondit le Philosophe
leur commandât, & les traitant, ainsi qu'un
Pere ses enfans: Parce que selon les loix hu-
maines l'égalité, & iuste ballance d'affection

*Ciccr. lib. 1. Epist. ad Aul plan-
cium.* y est requise. Sinon qu'il y en ait de moins
dignes, & de plus recommandables: Ainsi
que pour la vienneroce enuers la république.
Ou (dit Ciceron,) l'honneur semble tel de-
uoir estre faict, que l'on doit à gés vertueux.
Neatmoins que le plus souuent sont les Prin-
ces conuiez de bien faire a aucuns, auant que
l'auior par eux m'erité. Ce qu'ils font quand
ils congnoissent que faute de moyes, ne peu-
uent estre accomplis les effects de la vertu, a
laquelle est la porte ouuette par auancement
de bien faict, & largesse. La belle. pratic que
de quoy, est rât euidente és iournelles a'ctiōs
du Roy, qu'il n'est a presupposer que Mes-
sieurs de la Saincte ligue ayent sur ce pris
fondement, non plus que sur plusieurs autres
fausses suggestions, lesquelles quand verita-
bles seroyent (que non, n'estant vray sembla-
ble que si miserables dessein ayent iamais
germé dans leurs ames,) elles sembleroient
aux entreprises Atheniennes, qui (dict Ari-
stophanes, mal aduisees qu'elles fussent, trou-
uoient tousiours vne heureuse rencontre;

& sic.

& succees.

Tant y a que le Roy, apres vn exacte son- *Tot. tir. de*
dement du faict, digne selon les loix d'une *Negoc. gest*
ratification, comme de negoce geré pour le *D. & C.*
seruice de Dieu, & de sa Maiesté, à congneu
qu'il y auoit en ce de l'operation celeste, &
n'auoir esté entrepris chose, qui n'ayt esté *Gnaguinus*
executée du temps du saint pere Urbain *Ioan. le*
deuxiesme que par son conseil se croiserent *marc &*
cent mil hommes desquels fut chef Gode- *Gabriel.*
froy de Bouillon contre les Turcs & Sarra- *saconay.*
zins & encores du regne de Philippes Au-
guste, que plusieurs Princes, & Potentats
Chrestiens se liguerent, & esleurent pour
chef messire Philippes de Montefort contr-
les Albigeois: dont sera plus amplemēt trai-
cté en la seconde partie de cest œuvre: à l'ex-
emple dequoy la Noblesse Françoisse se ligua
& confedera encores nouuellement, & en
l'an mil cinq cens soixante sept. Qui sont
actes de genereuses, & ardente affection au
bien publicq, & pareils à ceux que les histoi-
res nous recitent d'un Conon, Timoleon,
Aratus, & autres, & qui precipitez qu'ils
feussent (que non) ne seroient moins excu-
sables, que fust en l'endroiect de Iesus-Christ
la hardiesse que print Saint Pierre l'Apostre
d'aualler sans commandement l'oreille à
Marchus. Ioinct le serment par eux presté à
nostre saint pere, lequel auecques le Roy
nous representent Moyse & Aaron, ausquels

la diuine prouidence à commis le temporel & spirituel; estant question de faict de l'une ou le sainct Trosne, & Siege Apostolique pretend sur le Royal du moins concurrence de pouuoir en fraternelle, & Chrestienne vnion, telle que ces deux astres lumeaux Castor, & Pollux nous demonstrent.

Mesmes que par disposition de droit diuin qui ne donne secours à celuy qu'il veoid perir il le tue & principalement en ce qui concerne le public; & la foy Chrestienne, ou est approuuee l'ancienne autorité de ceux qui portoiēt titre de Duc, lesquels pouuoient indifferemment guerroyer: Ce que n'entendons contre ceux qui tiennent lieu de supériorité, & puissance Royale, ny en leur Territoire, sans precedente requisition, & monition au reflux de laquelle permissent les loix Imperialles prendre les armes contre les heretiques & s'emparer de leurs biens. Et quant telles loix ne seroyent receües en France, il ne seroit question que d'une simple faute, ou plustost oubliancé prouenue de iuste ou prompt courroux, que pourroit la Maiesté à bon droit remettre à ceux qui ne luy feirent oncques que tout fidele seruice, & bien au publicq;: puis que tant d'esorbitantes, ont esté remises à ceux lesquels quand ils en ont faict coustume, & notoirement contre l'Estat, n'ont estimé que petits atomes moindres que cirons, les choses dont ils font

Lactanti?
lib.6.cap.
 11.
ca. si non
 23 qu. 4
et ca. dis-
phict et c.
Noli. quas.
 1.
Frideric
imp. incōst.
non. de sta-
tu et con-
suet. si ve
ro Don i-
nus collat.
 10 *constit.*
fin.

à present Elephans, & dont ils font les vrayz instrumens, tant les font sonner hault. Et qui par le mesme iugement qu'ils veulent asscoir contre les autres (sur vn cible seulement dict Theocrite, par ce que oculairemēt ils deuinent de faiçts ocultes) meriteroyent peines, & punitions plus grandes que iamais n'en inuetenterent Perillus & Phalaris, pour l'enormité de leurs delutz, comme sans aucune apparente craincte de peril, comme celuy qui panche sur nous Catholiques, & sur ceux que nous voulons rappeler à nous, si prend encores plus long traict la diuision & desunion apportee par ces faux dogmatifans.

*Theocrit in
Idyllio. 3.
Et Lucianus in
Pseudom.*

Lesquelz ny a celuy qui ne congnoisse auoir tousiours tendu à la subuersion de l'Estat, lequel ils ont plusieurs fois Huiah, & embalé. Ce que l'auteur leur met en vilie. *Ca. Nemo.* non pour detracter de leur renommee (Car *peritorum.* la detraction se faiçt disent les Canonistes *11. quæst. 3.* quand l'on y amene de mensonge par scandalle, & non pas quand l'on dict vray par remonstrance) Mais pour leur monstrier, & faire confesser qu'ils s'efforcent non moins de faire naistre es cœurs des Catholiques pareille ingratitude contre les proteçteurs que celle de laquelle les Grecs recompenserent Agamemnon de tant de trauaux & vigilances par luy prises à leur conseruation que de leur faire aussi comme disent Demo-

LIVRE PREMIER

Demonſtr. ſchemes & Lucian voire de la mandragore
phil. 4. Lu- pour les endormir, & ſurprendre: Ainſi que
cianus in verra meſme vn aucugle, par le progres, tant
Tymonee de ce qui e'eſt paſſe, que de ce qui ſe preſente.
Iulianus Ou nous deuõs auoir la pratique de ce vieil
in Epist. ad Paganique proverbe. Que a tort il accuſe
calixenem. Neptune, qui faiet vn ſecond naufrage: Par
ce que leuaſion du premier, aduertit de ne
plus y retourner, & ſe mettre à la mercy des
vagues deſquelles ſeuſmes ſurpris en l'an
1562. dont ny a celuy de nous qui n'ayt ſou-
uenance & ce la contrition de la trame
de leurs entrepriſes

N'y a pareillement celuy de nous qui ne
ſcache les Meandres, embracemens, & in-
uolutions d'affaires, eſquelles ils ont ietté &
pouſſé la maiesté de la Roynne mere, & avec
qu'elle penible, & incredible prudence elle
a ſauué de leurs griphes ce tant precieux
diademe, & les périls, & dangers que ont
courru les Chefs, & Protecteurs de la Sainte
ligue deſquels a eſté touſiours ſa Maieſté af-
ſiſtee: Ayãs aucuns des principaux pour s'op-
poſer aux calamitez, que nous outredifoient
les perſecuteurs de noſtre Eglise, non ſeule-
ment expoſé leurs vies, perſonnes, & biens.
Mais auſſi perdu leur Pere le deſſunct Sei-
gneur de Guyſe Prince de bonne & immor-
telle memoire, le ſang duquel a eſté trai-
ſtrement, & proditoirement reſpandu eſtant
en armes pour noſtre deſſenſe.

Lesquels a bon droict appellerons (ainsi que Ciceron faisoit les conseruateurs de la republique Romaine) les pilliers Atlantides de nostre religion Catholique, laquelle ils ont de tout temps portee sur leurs espaulles, comme feignent les Poëtes auoir le mont Athlas le ciel.

Si pareillement les reconnoistrons pour vrais & legitimes enfans de ces bones vieilles Lites (desquelles prend ce petit œuure son tiltre de Lirearchie) figurees par Homere auoir esté enuoyees du ciel pour reparer, & restaurer les degast faicts par ceste pernitiue Deesse d'infortune *Até*.

Ny a celuy qui ne sache combien de fois ces *Daimons* de Ministres, & leurs agens ont faict venir la noire, & infernale nation des Scorpionistes, avecques les torches, & tisons ardans en la main pour incendier, & rauager toute la France.

Ny a celuy qui ne sache le grand nombre de *Taborites*, *Zischees*, & *Heliodores* voleurs & destructeurs de temples dont est parlé aux *Machabees*, & Sainctes Histoires, que ces pernitiueux enfans de *Até* ont pèdent les troubles mis en besongne, & comme en ont gasté nostre siecle d'Atheïsme d'Apostasie, & de toute autre corruption.

N'y a celuy qui ne sache les semes faux bruits, & calomnies que ces malings ont faict en Court pour rendre odieux au Roy

Cicer. pro l. flacco & pro idonea sua & Ammianus Marcellinus.

Dont viét ce mot de Lirearchie tiltre du liure,

Fin broché

Ceste nation est interpretee par Isä Lictéberger Astreno. Aeneas Sylus.

Matth. 9. 2. Machab. 10.

ceux qui pour le seruice de Dieu, & de sa Maieſté leur auoyent faiſt teſte, & comme pour plus aiſement entrer ſur nous, ils ont voulu mettſe la rage ſus aux meilleurs chiés de noſtre bergerie, & meſmes au tres vertueux: tres-venerable, & tresilluſtre oncle de leurs chefs, & Seigneurs, leſquels eux porteurs de ceſte maladie ont a noſtre tres-grād deuil touchez, & ſouillez par leurs boueufes, & contagieufes paroles.

Ny a celuy qui ne ſache comme pour toujours affoiblir noſtre party, & ſe venger de noz voiſins qui nous ont ſecouru au plus fort de noz perſecutions, ils nous ont, & cōtre tous les Princes Catholiques voulu armer, & vſer de nous comme faiſt le ſinge (duquel les ſaincts Docteurs leur attribuent la ſemblance) qui tire les pommes, poires, & chaſtaignes de la braize avec les pattes du chien, ou ſcurrier, & au milieu d'une paix vniuerſelle mis aux champs, & en armes toutes les nations Françoises.

Ny a celuy qui ne ſache cōme à leur ſeulle occasion tous habitans de villes ont perdu leurs anciennes libertez, & depuis l'an 1562. Juſques a huy eſté commandez par gouuerneurs particuliers, eſtabliz en toutes les places, & meſmes au cœur du Royaume duquel ils ont eſté l'oppreſſion & ruine comme la multitude d'iceux perdit, & ruina autresfois toute la carie. Ny a auſſi celuy de nous

Ignatius
Epiſcopus
ad Anſio.
Cyprianus
ad inbala
num, Chry.
homilia 26.
2. expoſ. in
Matth

erasm. in
Chiliad.

qui ne scache que pour subuenir aux grans
 frais de la guerre, ilz ont non seulement oc-
 casionné en ce Royaume les daces, & aug-
 mentations de gabelles, & subdites & la
 chairté qui se veoid sur les viures, mais aussi
 la venalité, & multiplicité d'offices, ainsi que
 du regne de Tarquinius Priscus.

N'y a celuy de nous qui ne scache que
 depuis la communauté, & conionction de
 ceste Mafatre, & nouuelle secte avecques la
 nostre, toute deuotion enuers Dieu & ses
 Saincts, toute humilité des petits enuers les
 grâs, toute fidelle obeissance des subiects, &
 seruiteurs leurs Seigneurs & Maistres, tout
 respect du Citoyen & Iurisdiciable au Ma-
 gistrats tout charitable debuoir du voisin au
 voisin, & la pudique foy tant de plusieurs
 Monialles enuers Dieu (auquel ces sacrile-
 ges & Apostats les ont ranyes) que de plu-
 sieurs femmes enuers leurs maris, brief tou-
 tes candides vertus ont esté enuoyees a val,
 & submergees, ainsi que la pauvre Hellé dâs
 la mer qu'elle a faict surnommer Hellespôte,
 fuyant avecques son frere Phrix, la cruaulté
 de sa Nonerque Ino, & que depuis l'intro-
 nissement de ceste damnee, & reprouee reli-
 gion plusieurs meschans dissimulez, & incer-
 taine de foy, & de loy se sont és eminens
 lieux esleuez, & faict (dict le sage) cacher les
 bons, ainsi que faict vn espais brouillart d'y-
 uer, le soleil.

*Ioan lepre.
 de Magist.
 Rom &
 Tir. Lxi.*

N'y a celuy qui neſcache comme ceſte Monarchie premieremēt ſouſtenue par quatre fraternelles colonnes de l'ouurage du feu treſmagnanime, & treſdebonnaire Henry deternelle memoire(que Dieu abſolue, oſte de ce monde, par les mains meurdrieres d'un des ſectaires) eſt deuenue premierement à trois, puis à deux, & maintenant à vne ſeulle Et les deſolemens, miſeres, & malheurs que nous cauſe le deſaut de la premiere de ces quatre qui fut la perte que feiſmes dans Orleans du tant genereux, & affectionné lieutenant tēporel de Dieu; François de Vallois 2. dont vint l'enfantement de noz maux, qui feiſt leuer les cornes à noz limaiſſons ennemis.

Ny a celuy qui ne ſcaiche la ruine derniere qui nous arriuerroit, ſi tans eſtions du ciel diſgraciez, que noſtre bon Roy (auquel Dieu vueille donner autant de vie qu'ent oncques Neſtor) venoit maintenant à faillir & laiſſoit la France eſſrichée, & non enſe-mencee du bō plants & germé des valeureux Vallois. Qui eſt celuy de nous qui en ce ſentiment n'apprehende tel piteux, & horrible euenemēt, & qui parle pulullement de ceſte abominable herieſie, ne preuoye l'vninereſſelle euerſion de l'Egliſe Catholique, & Romaine.

Qui de nous ne ſe propoſe vn dur cruel, & inſupportable cylindre, & changement, duquel

quel le mal present de noz confreres, & catholicques voisins fuitifs (sous la seule domination d'une femme qu'ils soient) nous doit suggerer argument de preuoiance, & faire considerer que tous suiets sont contraincts prendre exemple, & conformité aux actions de leur Roy mauuaises qu'elles soient ainsi que le nous enseigne le comique traictant du captif, quand il dict,

Tous indignes que soient les actes du Seigneur.

Pour dignes il les faut auoir au seruiteur.

*plantus in
raptus.*

..

is

L'experience dequoy se list en l'histoire des Aethiopiens qui tant zeloient, & affectionnoient la ressemblance, & imitation de leur Prince que s'il estoit blessé, ou mallade en quelque partie du corps, au mesme endroit ils se n'auroient, ou doloient. Le semblable nous est tesmoigné par les Auteurs des Courtisans du regne de Alexandre le grand, & du Roy d'Aragon, lesquels clinoyent, & tournoient le col pour complaire à leurs Roys, qui naturellement auoient le col tors. Aquoy faict Textor allusion, quand parlant du Courtisan adulateur il dict, que si au plus haut de la canicule, & chaleur de l'Esté le Prince vueille dire qu'il faict froid, le courtisan maintiendra qu'il faict froid, & si en la saison de la souffleglace Bize, & du plus estraignant froid le Roy dict qu'il faict chaud, le courtisan dira quand & quand qu'il faict chuad.

*Bodinüs
lib 4. de
Rep.*

*Textor in
apist.*

Ioy voyons de tresbelle instructions pour
apprendre que les Rois sont sans contradi-
cteurs, voyers en leurs plus grandes erreurs,
& refueries (sils en ont) & que deuons auant
vne Royalle succession preueoir, & par tous
moyens donner ordre de ne tomber sous la
main d'un nourricier des hereticques, & pu-
blicqs ennemis, d'autant que par les lois des
Rois, & Empereurs, il n'est apres leur recep-
tion permis iuger, ou disputer de leurs admi-
nistrations. Car comme dict certain autheur.

Ex autho- Il ne fait bon de parler, ou escrire.

re. Contre ceux-là qui ont droit de prescrire.

Et est comme vn sacrilege de faire doubte,

si celuy qui est parueniu a telles souueraine-

L. *disputa-* tez est digne, ou non: N'estant plus temps d'y

ri c. crimine chercher autre remede que la patience, Ainsi

sacrilegij. que nous tesmoigne, autre Poëte par ces

unil vers.

Le mal venu il le faut endurer,

Bon gré mal gré, rien ne sert murmurer,

Mais par auant qu'il vienne, l'homme sage

Peut par conseil deuancer son dommage.

Les licites moyens de laquelle preoccupa-

tion, & deuancement se traicterot en la troi-

siesme partie de c'est œuvre, contre les Apo-

criphes Axiomes de l'Apologie susdicte.

Cependant seront aduertis tirer experien-

ce de ceux qui iadis paruenus aux regnes, &

Empires ont commi tant d'execrables indi-

gnitez en l'endroict de l'Eglise Chrestienne,

& leurs Catholiques ſubiectz. Comme de Leon Armenien qui a la conqueſte deſ Bulgares fait effacer, & abatre les ymages, & remembrances des Saints.

Theophile auſſi Empereur qui tint les Juifs en horreur, que non ſeulement il les feiſt brifer, & deſtruire mais auſſi mettre a mort ceux qui deuotieufement les viſitoient.

Neron qui durant ſon Regne expila, & deſpouilla toutes les reliques, & eccleſiaſtiques ornemens de l'Asie, & Achaye.

Trayan qui fiſt mourir le Pape Clement troiſieſme, Simon Ieroſolimitain, & Ignace Antiochene Eueſques,

Othoman qui a la priſe de Coſtantinople expoſa les oſſemens des Saints, & Martirs aux chiens, & deriſoirement fait recrucifier l'eſſigie de noſtre redempteur: Geuſeriq Roy des Vandalles qui lors qu'il euſt par ſa conqueſte domination ſur carthage homicide, & occiſt tous les Citoyens, voila, & ſpollia de tous les vaſes, ioyaux, & richesses des Eglifes, & y fiſt ſes cheuaux eſtabler.

Macrobius

A l'exemple duquel Decie, Valerian, Diocletian & Constantin le grand (couerty puis apres par le Pape Saint Sylueſtre) pendant leurs Regnes firent martirifer & mourir Saint Fabian, Saint Cornille, Saint Sixte, Saint Marcellin, & Saint Milchiades Papes enſemble nombre merueilleux de Saints, & Saintes, comme Saint, Laurens, Saint

*platin de
vita Pon-
tifici.
lean le
Maire.*

Crespinian, Sainct Sebastien, Sainct Blaise, Sainct Maurice, avecques la legion de Thebes, Sainct Vincent, Saincte Agathe, Saincte Agnes, Saincte Barbe, Saincte Catherine, Saincte Marguerite, & plusieurs autres, iusques a dixsept mil en vn seul mois, si que nostre Loy fut presque du tout estaincte en la grande Bretagne qu'on dit maintenant Angleterre (de present au mesme estat) & en Gaule que ores l'on nomme France, & les liures de nostre foy par tout bruslez.

19 Ne peueut nier les Ministres, & leurs agés qu'ils n'en ayent autant faict pédant les troubles, & Guerres ciuilles Spectacles que nous sommes en aussi grand danger que iamais de reueoir, & qui pis de recheoir pour vn dernier, & irremediable coup en la plus grande Atarchie, & combustion publique qui ait de toute memoire esté? Est il question d'attendre a recourir aux remedes, le mal adu? Aller au Conseil nostre cause dit l'Empereur Iustinian, nauree a mort & perdue, Aller au Medecin lors de la sepulture? courir à leau apres vn entier embrasement, & estédre de nos larmes la cendre de tant de beaux temples, Monasteres & sacrez edifices? Dormirós nous l'ennemy a la portée? Banqueterós nous le feu calquant sur la couuerture de nos maisons? Iouerons nous le volleur fouillant dans nos coffres? Danserons nous le Loup entrant en nostre bergerie? Quelle hôte nous

*L. vet. c. i.
quibus
caus. rest. in
integr.*

donneroit nostre prosperité, mesmes nos aduersaires de nous estre si nonchalamment, & incurieusement laissez priuer de la fruitiõ de tant de lieux de sainteté, deuotion, & aumosnes, & ouest l'Asil refuge, & retraicte des sectateurs, & amateurs de contemplatiõ, ieusnes, & prieres? Que deuiendront tant de Religieux, & Religieuses qui ont quité leurs droicts successifs, & biens mondains pour vacquer a telles bonnes œures, & qui n'en ont autres appris? O ce mal aduenant, mer & Iliade de maux: Iliade pourrions bien dire car Ilion sur lequel fut bastie l'antiene Troye a souffert partie de telles desolations? O miserable France, pourroyent les autres Catholiques, & voisines natiõs exclamer auecques le Prophete Ieremie) qui auois autant de dieux, & de sectes que de Cités, & mis les autels de confusion selon le nombre des rues pour sacrifier a Baal maintenant a bõ droit destruiete, & renuersee? ô desordre des desordres, ô confusion des confusions! ô chars des chars! ô dedale des dedales! ô labirinthe des labirinthos ou imprudemment entreriõs si il n'y estoit pourueu, & si nostre bon Roy ne deffendoit ses subiects contre les embusches, & fallaces de ces Penthees & Introduceurs de nouuelles doctrines, à l'extirpation desquelles ayant sa Maiesté ia bien cõmancé, & procedé par ses edicts de reünion de ses subiects a l'Eglise Catholique, Apo-

Hierem. II.

stolique, & Romaine & restriction des six
 mois il luy plaira n'estre desmeu de ceste
 saincte inspiratiō pour respect de parentelle
 amitiē, ou cōcurrēce quelcōque & tant que
 sa Maiesté ains yser icy pourra respirer l'ho-
 stie d'Agamnennō qui fut cōtrainct de sacri-
 fier sa fille Iphigema au port de Aulide: Et
 à Nosseigneurs de la saincte ligue de ne s'ar-
 rester aux calomnies murmures, & mauuai-
 ses recognoissances tant des adherans aux
 deuoyez, que de certains hommes doubles,
 ou pusillanimes pretendās les vns ce remue-
 ment faict intempestiuement & auoient ter-
 me les autres deuor estre en vne republique
 la libertē de conscience toleree (dont sera
 traictē en la seconde partie ou nous allons
 entrer) Ains auoir esgard au dire du Philo-
 sophē Senecque: Qu'il ne faut apres vne
 mauuaise cuillette & ingratitude de terte,
 laisser à semer & mettre la main ouuriere au
 travail propre & necessaire à l'homme & de
 telle cōsequēce que celuy qui se presente,
 & qui concetne le salut commun de chacun
 fidele seruiteur de Dieu, & de son Eglise
 Catholique.

Les bons protecteurs de laquelle de-
 meureront malgré tout, calomnieux impro-
 pore en opinion de pouoir dire avecques
 le Psalmiste, & chacun des plus grans en son
 particulier. Seigneur non Dieu tu n'as sondē
 iusques au plus profond de l'ame, & cōgneu

Zenodorus

Seneca
 Philosoph.
 epist. lib. ii.

Psalm 139.

mapensée, pris garde à mon marcher, suiuy la trace de mes pas, & explore mes destroits, & sentiers qui ne tont esté incongneuz. Protestant Dauid par le discours de son hymne n'affecter aucunement le Royaume de Saül, & ne le guerroyer a autres fins que pour oster du meilleu le persecuteur, & sangui-
naire. Paroistront ledicts Seigneurs y auoir candidement procedé, & n'estre ce remue-
ment éclos de particulieres vengeance, & querelles ne pour vouloir forcer, ou embles les droicts, & fortunes d'autrui. Scachant trop micux considerer qu'il seroit en ce cas (ainsi que disoit l'Empeur Iustinian) tres-
inhumain de charger, & greuer celuy qui est hors de cause, & sans coulpe, comme le pau-
ure peuple, lequel seul porte la pesanteur de tant de miserables occurrences. Si monstre-
ront en fin n'auoir entrepris chose, qui ne tende apres le seruice de Dieu, & du Roy au repos salut, & seureté tant des deuoyez que de nous. Et de pareille intention, que celle de cest ancien Thrasibule Athenien, qui apres auoir pris les armes, & combattu pour le bié publicque de la Patrie, & icelle liberee de pe-
ril proposa (afin de donner a congnoistre ny auoir esté conduict par animosité) non seule-
ment de receuoir à mercy les oppresseurs, mais aussi de faire vne loy d'abolition, & ou-
bliance nommee.

Amyrstia pour en fin ainsi que dict le Pro- *caßiod.*

contres
et called a pti
 phete Esaye conuertir les armes, & cousteaux
 en focs de ^{plouffe} charrue, & les lances, & pertui-
 sannes en faufiles, a effect de couper le bled,
 & l'herbe, & nous reduire tous à noz pre-
 mieres œuures, premiere Religion, & pre-
 miere forme de viure, sous vn mesme Dieu,
 sous vn mesme Roy, sous vne mesme foy,
 & sous vne mesme loy.

Ca. Nimiū

v/que ad

fin. 23. qu.

4.

Aquoy permet le droict diuin contrain-
 dre de main armee ceux qui s'en sont distraits
 ainsi que ce verra par les exemples & autho-
 ritez des saincts Prophetes discourties en la
 partie ensuiuante.

SECONDE PARTIE

Sommaire.

- 1 EN qu'elle recommandation les anciens
 E auoient la guerre les grands effects d'i-
 celle & comme ils l'estimoient quelques-
 fois plus vtile que la paix.
- 2 Les poincts & moyens par lesquels vne
 guerre peut estre dicte iuste,
- 3 Que celle qui se faict contre les hereti-
 ques est entre toutes les plus recomman-
 dable & comme ceux lesquels y laissent la vie
 pour nostre foy sont sauuez
- 4 Comme en ceste presente guerre nous a-
 uons en teste deux sortes d'ennemis, le hu-
 guenot,

guenot, & le factieux Catholique adheré au huguenot, ainsi auons nous parmy nous, deux manieres de gens a craindre, assauoir celuy qui temporisâns se dit Politique, & celuy qui est double & neutre.

Quelle loy feit autrefois Soló legislateur contre telle maniere de gens, & ce que Ci- 4
ceron en disoit.

Que lesdicts faux Politiques & doubles hommes sont fort à craindre és republiques 5
Cours & Palais des Rois.

Que la conuiuence apporte quelquesfois de grans & incurables maux, pareillement les lentes punitions.

Que les Politiques & doubles hommes de ce temps ont a considerer qu'en petits momens se font grandes inclinations de temps principalement en faict d'estat.

Que le temporisement ne faict que nourrir & fortifier l'ennemy de la cheure Dalciat qui fut deuoree par le louueteau qu'elle auoit nourri & aletté, & comme il ne faut donner nourriture a la puissance & grandeur de ceux qui peucnt vn iour opprimer la republique & Iustice.

Comme appellent les Autheurs le timide 6
temporisement & patience.

Quand est le temporisement à propos.

Quand & auecques quelles considerations il se faut hasarder & mettre au peril.

Responce a ceux qui ont voulu arguer ce- 7

ste presente guerre d'intempestiue hastiueré.

Que toutes bonnes entreprises doiuent estre promptement executees de peur d'un decelcment a l'ennemy.

Que l'on ne doit guerroyer sinon en cas d'extreme necessité & pour se deliurer de honte, ou seruitude, ou peril a venir.

Que c'est vne grande subiection, peril & seruitude que de souffrir l'exercice de deux diuerses religions pour l'incomparabilité desquelles se sont de tous temps faicts grans remuëmens & guerres ciuilles.

9 Guerres faictes du temps de Moysé, Samuel, Iuda, Afa & autres Roys Pontifes & Prophetes contre les infidelles & idolatres qu'ils tueoyent & lapidoient de leurs propres mains.

Autres guerres, & remuemens pour le mesme faict de religion, du temps de Constantin Valentinian, Gratián, Theodose, & autres Empereurs Romains lesquelz faisoient exemplairement mourir les heretiques.

Encores aultres guerres du regne de Clovis Charles Martel, Charles le Grand, Philippes Auguste, & Loys son successeur contre les Gotz, Arriens, Vandales, Sarrafins, & Albigeois persecuteurs de l'Eglise Catholique.

10 Grandes armes & batailles dressées & données au grand hazard de la France pour en chasser les heretiques ou telle fois estoient cent heretiques contre dix Catholiques, cō-

me en la guerre des Albigeois que messire Simon de Montefort chef de la ligue & armee Catholique soustint auecques dix mil hommes celle du Roy d'Aragon qui se montoit enuiron de cent mil.

Le Roy Daragon tué en ceste bataille donnee deuant Muret, dix huiet mil heretiques deffaiets, & le surplus mis en route sans que ledict conte de Montfort perdist plus de huiet gens de pied & vn Cheualier. Lors de laquelle bataille estoient plusieurs Euesques Prelatz & Abbez en prieres auecques la croix en nostre armee.

Comme apres ladicte bataille fut la Croisade apportee en France par le legat du Pape innocent, & comme venoient de toute nations pelerins croisez au secours des Catholiques.

Sept poincts en l'histoire de ladicte guerre des Albigeois remercables & qui se peuuent tant rapporter que seruir aux guerres presentes & comme le Roy Loys successeur de Philippes Auguste se croisa ensemble tous les Officiers de la Couronne.

Comme par le Concille de Latran les biens du conte de Tholose heretique furent adiugez au conte de Montefort & les biens des autres heretiques declarez confisquez. Et en iceluy concille ordonné que les Catholiques qui se croyseroient pour exterminer les heretiques iouiroient du semblable priuilege

que ceux qui vont à la defense de la terre sainte contre les Turcs.

Que ledict Conte de Tholose reuint au giron de l'Eglise Catholique pour recourir ses biens, & cōme il fut apres relaps & grād persecuteur.

Comme nonobstant qu'il se feust recongneu à sa mort ne peut neantmoins le ieune Conte son fils Catholique qu'il fust deuenu auoir permission de le faire ensepulturer en terre sainte; Au moien qu'il auoit esté excōmunié & par le concille esté déclaré rebelle.

12. Raisons pour lesquelles deux diuerses religions ne peuuent compartir & que la liberté de conscience ne doit estre permise. Que celuy qui ne veut viure en la religion de son Prince est estranger, & ennemy & ne doit estre tenu pour regnicole.

Que la totérance de diuerses religions n'apportent que coniurations & & conspiratiōs cōtre l'Estat & le beau suiet que c'est pour mettre le pied en vne Principauté.

14. Histoires de deux freres fils d'un marchāt despiseries du Royaume de Dara qui sous le manteau de religion & de restablir en Mauritaine l'ancienne foy de Mahomet s'emparerent na pas long temps de plusieurs amples Royaumes par les moyens y discou-
ruz.

15. Autre histoire des liures de Numa Pompilius trouuez apres sa mort par lesquels il

reprouvoit les faux dieux des Romains qui nonobstant leurs belles & sainctes doctrines furent par l'aduis du Senat bruslez de peur de rien innouer & changer tout en la religion que l'estat.

Remonstrance au Roy de Nauarre des ha-¹⁶
sards auxquels ils se mettent, & comme les plus proches luy romproyent la paille & quieteroyent sa religion, si se presentoit occasion de pouuoir regner, pour laquelle cupidité se sont de tout temps faicts infinis meurdres, & assassinats, voire en tous les plus proches degrez de consanguinité selon les exemples y recitez.

Responce a ce que les Polonnois, Suisses,¹⁷
& Allemans admettent toutes sortes de Religions qui ne tendent qu'a vne Anarchie & destruction de Monarchie.

Responce a ce que l'Empereur Gratian qui¹⁸
estoit Catholique a permis la diuersité de sectes.

Comme les sainctes lettres, & Saincts,¹⁹
Apostres nous deffendent la conuersatiō des heretiques & infidelles, & nous commandēt de preferer verité a paix, auecques les raisons pour lesquelles vne forte guerre est plus certaine qu'une foible paix, nourrie de desfiāces

Responce a ceux qui obiecteront que tant²⁰
de guerres, carnages, & executions de Iustice qui se sont faicts depuis le Christianisme iusques au temps present, n'ont peu d'esraci-

ner les Scismes, & Heresies, & a ce qu'il faudroit faire estat de viure tousiours en trouble avecques plusieurs consolatoires raisons pour lesquelles est nostre Eglise Catholique tousiours militante.

- 21 Qu'il est tresnecessaire preuoir a la conseruation de ladicte Eglise Catholique, & question de l'entiere extermination de l'une ou l'autre religion sans s'en pouuoir garantir que par la force.

SECONDE PARTIE.

Ex Henric.
Cor. Agrip.
pa cap. de
art. mista.

Philib. 7.
C. 12.

Ennius
Poet. de sa.
Afric.

Il n'y a doute que de prime face, & ouuerture c'est escrit ne fascine, & decoiue la veüe a plusieurs, & qu'il ne semble plus escarlaté de sang humain, que ne furent oncques les loix Draconennes: Que au lieu de sonner la retraicte, Il soit veu souffler en la Sourdine vne chaude alarme, & battre aux champs le Tambour. Que au lieu d'estre ambassadeur de paix, il soit le heraut d'armes pour anoncer la guerre, reproche autresfois faict par Marc Anthoine a Ciceron, qui soustenoit auoir Herculez par guerriers exploits monté au Ciel: dont Scipion L'affricain se vantoit auoir trouué le chemin, par le sang, & meurdre des Rommains ennemis. Proposition qui Ethnique qu'elle soit; peut (ainsi qu'esperons cy apres monstrier) auoir lieu en faict de iuste guerre, de laquelle (puisque à la

mauvaise heure le sui eēt y est disposé) en sera maintenant discours, & d'autre intention que non pas es excitatifs Poëme de ce Grec Tyrtee, ne que Valere le grand là extollee par l'annexement, & conqueste de l'Italie à l'Empire Romain, & dominatiō sur plusieurs amples Prouinces, villes, Royaumes, & puissantes nations quād il à voulu maintenir que par lart d'icelle auoient esté les détroits des mers ouuerte, leurs vray, & gouffes congneuz, les empeschans remparts, & fortresses du mont Taurus surmontez, & les clostures rompues, & arrachees, Que par la dilligente conduicte de cest art ont esté les Royaumes, & Empires establiz. Et au contraire par la negligence d'iceluy les plus grands Monarques, & Potentatz perduz & renuersez : Qui plus les choses mesmes diēt Theodoret nous apprend que la guerre nous est beaucoup plus vtile que la paix d'autant que nous qui sommes delicats volontiers deuenons lasches & couards en temps de paix ou la guerre nous aguile communement l'esprit & nous sollicite de mespriser les choses presentes comme celle qui ne fait que passer: Sur lequel sablonneux plan ne voullant du tout asscoir les pillotiz de nostre edifice, chercherons vn plus solide, & ferme Roc de Chrestienne raison par laquelle puissions vne chose tant dure, & cruelle rendre iuste, & equitable.

Plato I. de
Legibus.

Theoderet
apud inst.
tripar. lib.
10. cap. 33.

Ca. Iulia. Or appellent les Canonistes vne guerre iu-
11. quæst. 3. ste. Premièrement pour le regrd de celuy,
 qui par souuerain, & ordinaire pouuoir l'ẽ-
Cap. Quid treprend, & commande. En second lieu pour
culpar. 23. le regard de celuy qui comme vray suiet
quæst. 1. & doit obeissance à son Prince naturel. En tiers
ca. connen. luy pour le regard de celuy cõtre lequel l'on
qu. 8. Ca. se veut armer. Et en quatriesme lieu pour le
vlt. 23. hu. regard du faict & motif d'rcelle: Comme
2. & cõtre les heretiques & infidelles (laquelle est
Ca. cum meritoire) Comme pour repoulsier & venger
homo. 23. q. vne iniure publique. Comme pour re primer
ca. omniũ l'audace des meschans affin de supporter &
23. q. 5. maintenir la simplicité des bons & acquerir
 repos. La y plus recommandable desquelles est
 celle qui se faict cõtre les heretiques & de-
Ca. omniũ fense de l'Eglise laquelle met au rang des
23. q. 5. bien heureux & sauluez ceux lesquels y lais-
 sent la vie.

Et premier que d'entrer en champ clos il
 n'est seulenẽt questiõ de sçauoir a qui auons
 à faire mais aussi qu'elz nous pensons auoir
 de nostre costé. Car tout ainsi que cuydons
 auoir en teste deux sortes d'ennemis l'vn le
 huguenot l'autre le Catholique factieux ad-
 heré au huguenot aussi auons nous deux
 manieres d'hommes à noz aisles. L'vn le
 Politique qui crainct d'aticiper le terme de
 vie & faire perte. L'autre le neutre ou
 double qui d'vne part, & d'autre communi-
 que pour faire dextrement ses affaires. Espece
 de

de gens lesquels Alciat à figurez par le Vef- *Aleratus*
 pertilion, & chauuesourriz, qui ores qu'elle *in emblem.*
 volle comme l'oyseau & marche comme la 62.
 beste à quatre pieds, n'est neantmoins mise
 au nombre ny des quadrupedes, ny vollatil-
 les. Et qui sont semblables à ce Metius Suffe-
 rius Duc d'Albanie, que de ceste façon en-
 dommagea fort l'estat Romain, & Albanois.
 Contre laquelle sorte de gens, ce grand Le- *Claudius*
 gislateur Solon feist autresfois ceste bien ad- *Minos in*
 uisee loy: Que celuy qui en vne ciuille sedi- *eodem em-*
 tio, & deux dissemblables, & diuisees sectes, *blem.*
 ne tiendrait l'un ou l'autre party, il feust pri-
 ué, & despouillé de tous ses biens prerogati-
 ues, & honneurs, & perpetuellement banny,
 Par laquelle loy tant s'en falloit que le dis-
 cord reallumast que à l'instant il s'appaisoit.
 Par ce que ceste maniere d'hommes Andro-
 gines, & doubles engédroient par leurs deux
 natures vn rendoublement de maux, en ce
 qu'ils estoient neutres referendaires, & que
 a leur oecasion chacun costé soustenoit, &
 opiniastroit, s'assurant auoir pour soy ce
 tiers genre d'hommes, qui voyans leurs com- *Bembo A.*
 pagnons en affaire tiennent leurs mains au *Zolan.*
 seing, ou a la ceinture, & ne veulent estre de
 la partie, s'ils ne la congnoissent trop plus
 auantageuse pour eux, & hors tout hazard. A
 la destruction, & amortement desquels vou-
 lut en son temps Ciceron, que tous Citoyens *Cic. in act.*
 portassent au front la marque, de ce qu'ils *in catilmā,*

cic. lib. de oratore.
Tit. 1.3.
Diuus Cypria serm. de seum & tentat.
Plutarchus lib. de inuidia & eod. regisippus. lib. histo. reeles.
A. admitt. v. 167.

auoient dans l'esprit, & volonté. A ce que en
 telle miserable, & intestine guerre, apperte-
 ment ils declarassent ce qu'ils en pensoient,
 & desquels ils vouloient estre. Que si les loix
 humaines ont voulu segreger de toute com-
 munité, & Citoiennité ces faux Politiques &
 doubles hommes (qui comme iadis les Athe-
 niens scauent bien ce qui est de raison & a
 faire mais ne le font pas) les escriptures Sain-
 ctes n'en ont pas moins ordonné les appel-
 lans faux freres, tristes, hippocrites, parrois,
 & sepulchres, reblanchiz, & tels que Sainct
 Pierre l'Apostre a descript le prestre Ananias
 qui (comme dict Sainct Cyprian) sottellemēt
 punayz en leur hippocrisie qu'ils aymēt trop
 mieux seruir des choses puantes, que des bō-
 nes & suauēs odeurs, qui estiment les choses
 precieuses villes, & les douces aspres, qui
 selon le dire de Plutarque portent speciale-
 ment enuie à ceux qui leur semblēt vertueux
 & courageux, ainsi que Ananias & Saphira à
 Sainct Pierre l'Apostre duquel ils estoient
 grans ennemis & qui comme ceux lesquels
 occupent les chambres mitoyantes d'un lo-
 gis endurent la poussiere de ceux qui tiennēt
 le dessus, & la suinee de ceux qui sont au des-
 soubz. Car les victorieux les mettent par
 mespris soubz le pied, & les vaincus obscur-
 cissent, & enfument leur reputation.
 Ne laissent toutesfois d'estre tresdange-
 reux en vne charge publique, & encores plus

des Courts & Pallais des Roys , ou pour authoriser le vice , & establir la conniuece, proposent ne deuoir estre les infections , & ordures remuees de peur dy amener la puanteur. Et ce pendant faute d'une frequente repurgation, & de les oster à mesure qu'elles se concreent, les voyent multiplier iusques à vn si grand tas , & amas , qu'une republique est tout à coup assaillie de mauuais air , & peste si violente qu'il n'y a plus lieu , que pour la mesme peste, pour la mesme maladie, & pour le mesme vomissement du pays, par lesquels mots Plutarque a designé Aristion , Nabis & Catilma ennemis du salut & repos publique de Romme.

Pour la prompte & incessante mondification desquelles ciuilles putrefactions ce tant disert ouurier à regir & manier vne Republique Ciceron ainsi descript par Saint Augustin remonstra au Senat Romain les grandes inclinations de temps qui en petits momens se faisoient au faict d'estat & de guerre ou vn seul iour & vne seule heure apportoyent de grandes & incurables playes. Ce que nous dirons tant a ces gens vestus de robbe double & a deux enuers qui ne peuvent dict Esaië estre de quelque part que ce soit congneuz, ny abordez, que a ces modernes politiques & professeurs de perpetuel temporisement, lesquels font contenhances de vouloir imiter ce *Quintus Fabius Maximus*

*Cicer. de hi-
lipp. s.
6.*

*Esaye 6. &
Ecclesiast.*

2.

qui de ceste façon deffist Hannibal. Ne discernans les temps de patienter lesquels se prennent mal a propos quand l'on a pour soy la faueur des armes & de la force. Ou il n'est dict certain lirique Poëte Grec question de flechir ou procrastiner & differer. Par ce que c'est nourrir & fortifier son ennemy, & s'appelle cela faire la Vache ou la Cheure dont parle Alciat laquelle alette le ^{poche de son} houueton qui deüenu grand la deuore. Par laquelle figure Valere nous enseigne ne deuoir estre donnee nourriture a la force & puissance qui peut vn iour les loix opprimer, & qui ne se pourroit vaincre ou combattre que auecques le tresgrand dommage & peril de la Republique ce qu'entendrons des ennemis de nostre Eglise & de l'estat.

- 6 Autres autheurs ont surnommé ceste patience vertu defaillante, autres foibles & debile constance, & autres vne pusilanimité laquelle recongneut autresfois Hercules Oerheus seule cause de sa ruiue come nous tesmoignent ces vers du Poëte Tragiq esquels il induit ce desesperé ainsi se complaignant de son peu de courage contre le petit nombre de ses ennemis.

Seneca in
Hercule
æthia.

Deffait suis & vaincu sans ennemy auoir
Et ce que j'ay encor d'auant aë a doloir
Cest que la lascheté & mollesse herculee.
Enseuelist icy sa dernière iournée.

Les occasions de ce faire sont quand en la

resistance l'accablement est oculaire & qu'il n'ya moyen de repousser le mal comme de vouloir avecques vne petite gondolle ou nasselle tenir contre vne impetueuse raiune deaux & Torrens a laquelle fin a dict le Poete elegiaque.

Aullus gellius.

Fol est qui se pouuant eschapper d'un naufrage

Combat les flots des eaux & en cōtremont nage

Encores conuient il non seule nent fonder le guay, & faire comme Hector qui sur le doute de combattre Achil se persuada dict le Prophete Grec.

Ouidius de remedio ann.lib. 1. Homer.lib. Illia.

Estre le plus certain tenter en premier lieu

Par les armes quel est le bon plaisir de Dieu

Mais aussi quelquesfois desployer les volles a la mercy des vens & vagues, Qui est de se mettre au hasard, quand il ny a espoir de salut, misericorde, ou secours, auquel cas faut aller la teste baissée, & sans regarder derriere soy ainsi que fut dict par les Anges a Loth pour euter l'extreme danger ou il estoit avecques ces considerations, que oncques ne fut dressé ne erigé, Triompho a home craintifs & paoureux, que oncques peril ne s'est peu vaincre ou eschapper que par autre peril, Dieu preste la main a celuy qui la met a l'œuvre & qui se veut aider, que son immense bonté ne peut aussi puissamment retirer sains & sauues du plus profond gouffre & centre de dangers qu'elle se fist iadis Ionas du ventre de la Belaine, & comme dit certain

Genes. 19. eu Platone in Critia & Suidas ex empo- lide. Eschilus

autre Poete Grec.

*Ny plusieurs orbes coups qui decoupe les corps
S'il n'est determiné, les peuuent rendre morts
Ny les malheurs mortels a tous ceux la pardon
nent*

Qui iamais leur maisonny foyer abandonent.

De ceste monnoye payerons ceux qui faisans estat de seruir au temps ont voulu suggerer & improperer a nos Litectarchiques protecteurs & chefs de la Saincte ligue ainsi que mesmes ont cy denant fait nos contraires par leurs libelles & Apologies diffamatoires vn intempestifs remuement la France estant calme & paisible & en laquelle les Halcyons oyseaux qui ne hantent la mer qu'en temps serain ia y dressoient & bastissoient leurs nids. Nous proposans vne momentanee tranquillité pour nous priuer d'un repos perdurable faute d'une briefue & courte patience Comme si auant que paruenir a ceste entreprise il la conuenoit mettre avecques eux en deliberation de conseil & si quand ils se sont precipitamment & soins suiet eleuez ils auoient pris nostre aduis & entré en conference avecques nous chose qu'ils scauent autrement qu'ils ne l'ont voulu defigurer au Roy. La Maiesté duquel n'ignore qu'il est force dict saint Augustin de recourir aux armes quand la Iustice ne peut se placer ny trouuer lieu ches son aduerlaire & qu'il ne se veut ranger à la raison, ou est

*Cassiodo
lib. 3. varia
rum epist.
et August.
epist. 1. ad
Bonifaciu*

requisse la celerité & precipitation pour laquelle Alexandre le grand a esté tant loué & recommandé, Ayant disent les Historiographes entrepris, pené, executé & point pareslé & de ceste façon tousiours pris au despourueu le Roy d'Arius. Ayant Iulles Cæsar faict le semblable, en toutes ses entreprises hautes quelles fussent esquelles non seulement y procedoit temerairement & sans conseil (ou vn quidan appelle pour dire son aduis, peut deceler vne deliberation a la ruine & confusion de ceux qui l'ont a bonne intention proposee.) Mais qui plus disoit ne deuoit estre les choses consultees dont la consequence & grande force de l'execution requeroit prompt diligence.

Ce qui meut autresfois ce Pere de la republique Romaine, dire estre inhumain voires brutal dresser & hanter par temerité & guyeté de cœur les armées, & venir aux mains avecques son ennemy, sinon en cas d'extreme necessité. Telle qu'il a entendue parlant contre Marc Anthoine, quand il a dict estre plus conuenable vn million de fois mourir que de ne pouuoir viure en vne ville & pays sans l'usage des armes & subiection tant de la fatigue d'icelles que mutuelles deffiances, ou nous deuons dil-il combattre avecques resolution de preferer la mort a la honte & seruitude.

Côme de tolerer deux contraires religions 9

pour l'incomparabilité desquelles se sont de tout temps faits plusieurs grans remuemens & guerres. Premièrement es temps de Moysé, Samuel, Ioas, Ioadas, Asa, Ezechias, Iesu, 3. Reg. 18. Iosaphat, Iosias, Elias & autres Rois, Pontifes, & Prophetes lesquels n'ont doutté de teindre leurs blanches & sacrees mains du sang des faux Prophetes & Idolatres, qu'ils tneoyent & lapidoient, Puis lors des Emperours Romains, Constantin, Valentinian, Gratian, Theodose, Arcadius, Honorius, Marrian, Iustinian, & Frideric, contre les infidelles. Payens, Iuifs, Heretiques & Scismatiques, lesquels ils faisoient exemplairement de mort executer, Puis es regnes des treschrestiens Rois de France, Clovis, Charles Martel, Charles le grand, Philippes Auguste & Louys son successeur, Contre les Goths, Arriens, Vandales, Sarraïns, Albigeois, & autres heretiques, vollours & persecuteurs de l'Eglise de la France.

Pour lesquels chasser, & exterminer ont esté dressées plusieurs armées & batailles données au tres-grand hazard du Royaume, ou telle fois estoit le party des Catholiques si foible qu'ils se trouuoient cent infidelle contre l'un de eux. Comme en la bataille que messire Simon de Montefort chef de l'armée Catholique assiegee dans Muret, avecques sept Fuesques, & aucuns Abbez n'ayant que mil hommes, iura au Roy Aragon chef de cent

Gregorius
Turonens.
lib. 2. c. 37.

M. Gabriel
desaconay

cent mil hommes Albigeois, Catholicans, & Biatnois. Ou les Euesques de Tholose & de Comnienge Carcassonne, Nîmes Vlés, Lodehe, & de Beziens assistez ainsi que nous tesmoigne Paul Emille de saint Dominique & leur clergé se trouuerent & porterent la croix de laquelle fut leur petite armee beniste, faisans pendant la bataille plusieurs psalmodieuses prieres & inuocations du saint Esprit avecques merueilleux espademens de l'armes qui penetrerent les Cieux & tant leur profitierent que le petit nombre vainquit avecques perte d'un Cheualier & huit hommes de pied seulement, & print la multitude fuite avecques deffaite sur eux de dixhuit mil hommes & leur chef, si que la Religion Catholique dompta & surmonta l'infidele erreur & fureur. Histoires fort au long descripte par maistre Gabriel de Siconnay Lionnois en laquelle se voyent plusieurs choses remarquables, & qui se peuent tant rapporter que seruir à ce present remuemēt.

La premiere est la ligue faicte dehors entre tous les Princes & Seigneurs Chrestiens toleree & en fin authorisee par Philip pes Auguste contre lequel estoient esleues Philip pes Conte de Flandres, le Duc de Bourgogne, Guillaume Archeuesque de Reims oncle du Roy Philip pes Auguste, Thibaut Conte de Blois & Estienne Conte de Sausere pour aucuns differend autres que du faict de

Religio, avecques lesquels se ioignit Federic Empereur d'Allemagne en vindicte de ce que ledict Auguste auoit enuoyé son armée pour contraindre vn nommé Hebur de Charenton, vn nommé Imbert de Beauien, & le Conte de Chaalons à restituer les biens & possessions des Eglises qu'ils auoient vsurpees sous pretexte d'vne reformation, voyas leur Roy enuironné d'affaires, guerres & ennemis luy en bas aage & lors de son aduenement à la Couronne.

La seconde qu'en ceste ligue entretenent tous les Princes & Seigneurs de la Chrestienté qui estoient messire Philippes de Montebort chef pour le grand zeile qu'il portoit à nostre Religion Catholique par l'ardur duquel feist plusieurs merueilleuses & memorables prouesses, qui seroient de long recit.

La troisieme fut la Croisade apportee en France par le legat du Pape (que nua le Conte de Tolose) & député l'Abbe de Cisteaux avecques treze autres Abbez de grand scauoir & Saincteté pour aller icelle Croisade annoncer & conuertir les heretiques. Pour quoy faire l'achennerent à pied & sans cheuiux, auquel mesme temps vn nommé Foulques Euesque de Tholose & vn nommé Didac autre Euesque delegué du Sainct Pere pour la conuersion des deuoyez alloient de chasteau en chasteau teste & pieds nuds en toute humilité & pauvreté preschant & dis-

putant contre eux tant qu'ils en reduisirent bon nombre.

La quatriesme que tost apres que ladicte Croisade fut preschee & receue en France y aborderent Pelerins de toute contrée & nations portans l'enseigne de la croix & soy disans les croisez qui arriuerent peu apres la susdicte bataille de Muret, pour secourir les Catholiques comme estant la querelle vniuerselle.

La cinquiesme que par ceste vniuerselle li-
gue & introduction de Croisade plusieurs Seigneurs heretiques eurent frayeur entre autres le Conte de Tholose lequel comparut sur vne seule sommation deuant le second legat a Valée en d'Aulphiné, & qui par demonstration de poignante & dolente penitence souffrit faire amende honnorable en chemise, puis estre batu de verges par ce second legat affin d'absolution, Prestant le serment sur le saint Sacrement posé à ses yeux parmy autres reliques d'estre en toutes choses & endroicts obeissant à l'Eglise Catholique & Romaine, & ne s'esbranler, ou distraire pour occurence queleconque de l'vniou d'icelle: En signe & certain tesmoignage de quoy se presenta au legat pour se croiser comme les autres, & feist quelque temps contenance de courir sus aux heretiques affin de recouurer par ce moyen ses biens qui tenant le Concille de Latran auoient esté adiugez

au Conte de Montfort, Auquel Concille furent les biens des heretiques declarez confiscuez & ordonné que les catholiques qui se croileroient pour exterminer les heretiques iouiroient de semblable preuilege que ceux qui vont à la defense de la terre Sainte contre les Turcs.

La sixiesme qu'apres telles solempnelles protestations voyat ledict Conte que l'octroy de l'entiere restitution de ses biens luy estoit différé iusques à vne grande certitude de sa reduction tant par le Roy que par le Saint Pere vers lequel il auoit à cest effect recouru ne doubta de reuestir sa vieille peau & de recidiuer en plus grandes cruantez que iamais contre nostre Eglise & propugnateurs d'icelle, si que apres plusieurs trahisons & secretes pratiques d'hommes, il reconquist plusieurs places auparauant conquises par le Conte de Montfort, mesmes la ville de Tholouse. En quoy parut ce relaps tel que vn Zopire qui pour trahir les Babiloniens & leur donner subiect de luy commettre la garde de leur ville, biens & personne festoit couppé nez & oreilles, & faict à eux entendre l'auoir le Roy Darius ainsi mutilé, Ce qui est grandement à craindre en nos deuoyez, & que par vne feinte reduction & reunion à nostre Eglise ils nous enveloppent dit le Prophete Ezechiel es Rhets par eux de si longuemain tendus. La septiesme

que nonobstant qu'il fut attesté par Iourdain
 lors Abbé de Saint Sernin & aucuns des
 croisez de Saint Iean de Hierusalem auoir
 ledict Conte de Thollose eust repentance
 à sa mort & baïsè par grande affection & par
 diuerses fois la croix si ne voulut on néant-
 moins iamaispermettre qu'il fust ensepultu-
 ré en terre Sainte quelques grandes prières
 que son successeur & fils reduict a nostre re-
 ligion Catholique en feist lors qu'il se re-
 cilia avec le Pape & le Roy de France d'au-
 rant que ledict vieil Conte auoit esté excom-
 munié par decret dudit Concile de Latran.

La huitiesme que le Roy Loys successeur
 d'Auguste fut par les Catholiques requis &
 semond de se croiser Ce qu'il feit, ensemble
 tous les Officiers de la Couronne & Conseil-
 lers d'estat.

Que si par ce discours vne petite poncee
 de gens n'a iamaïs voulu souffrir nouvelles
 sectes de Religions que deuons nous faire a
 present que sommes cinq cens Catholiques
 contre vn Heretique? Il n'est à presumer que
 si nos contraires quoyent pareil auantage ils
 feussent si aisez & maniables que de nous
 permettre la liberté de conscience qu'ils de-
 mandēt au Roy, la Maïesté duquel leur peut
 respondre ce que autrefois Saint Augustin
 a donatus & autres les confreres. *Il vous des-*
plait (dict-il) d'estre attiré au salut. Combien que
vous ayez tiré & seduit plusieurs des nostres à ruine

August.

Epist. 204.

& perdition. Que si vne volunté mauuaise doit tou-
 siours estre permise en sa liberté. Pourquoy est ce que
 les enfans d'Israël rebelles & rempliz de murmure,
 ont esté par si grieues punitions empeschez de mal
 faire & contraincts d'entrer en la terre de promission?
 Pourquoy a esté donné empeschement à Sainct Paul
 d'effectuer sa mauuaise volunté lors qu'il persecutoit
 l'Eglise Chrestieune? Si la mauuaise volunté doit
 estre libre pourquoy ont esté faictz & redi-
 gez par escript les commandemens de l'Egli-
 se & de la loy? A qu'elles fins tant de consti-
 tutions, loix, decretz, Canons Chapitres,
 Edictz & Ordonnance establies? Si elle doit
 estre libre pourquoy est aux escriptures Sain-
 ctes admoneste le Pere de corriger son enfant
 farouche & indiscipliné non seulement par
 parolles, mais aussi par verges, & chastiemēt
 pour le contraindre a estre bien morigené &
 droictement se conduire? Selon que dict le
 Sage. Tu frappes ton fils de verges mais tu deliures
 son ame de la mort. Amis ne sont pas ceux qui
 pardonnent, Ny ennemis tous ceux qui frap-
 pent: Lamy, qui le faict vtilement est prefe-
 rable à l'amy qui inutilement flatte & blan-
 dist comme estant plus certain aymer par ru-
 desse que deceuoir auecques douleur, car de
 faict qui nous desire plus de bien que Dieu.
 Et neantmoins il chastie ceux qu'il aime dit
 Sainct Paul, & fouette tout enfant qu'il ad-
 noue. Qui est l'enfant que le pere ne chastie
 point? Si vous estes sans chastiment (dict-il) daquez!

Stragion

Eccles. 30.

Prouerb. 23

Ca Nimium

civ. med.

23.9.4.

Paul. habr.

72.

tous sont participans, vous estes bastards & non point fils.

Suyuant lesquelles belles authoritez & exemples nous iugerons & dirons par conference du subiect à l'enfant que celuy qui ne veut viure sous la discipline loy, & Religion de son Prince. Il est estrange & ennemy, & que come tel il ne doit estre tenu pour Regnicolé ne domicilié sous mesme tabernacle que le vray & obeissant subiect sinon que vn Roy fust monstrueux & Ianus a double front, encores ne pourront il les deux cōtenter, ne faire bien à l'vn sans interresser l'autre, & donner occasion de mescontentement & enuie, ne plus ne moins que la pluye laquelle lors que proffite & faict bien à la terre maigre & seche, elle nuit & faict tort à la terre grasse, glutineuse & humide. C'est pourquoy Theogus Poëte Grec à dict.

Ne Jupiter peut à tous donner ioye.

On que la pluye il retienne ou enuoye.

Laquelle infociable & incompatible meslange de Catholiques & Heretiques nous tirerons de la Iudiciaire congnoissance de l'autre monde & Royaume celeste, ou tous Anges n'ont mesme habitation, & dont Dieu le Pere precipita & dechassa ceux qui presomptrueusement s'estoient voulu egaller à sa toute puissance & contre icelle esleuez & rebellez. Ce que nous figurent les Poëtes par la description de la race Titane & Geans tels

que Titius Mimas, Typhée & les autres représentas Sathā, Belzebuth, Lucifer, & mauvais Anges qui voulurent forcer le Paradis & Maison Olympique.

*Georgius
Sabinus.*

De la vient que toute conspiration de grâs & ayans autorité en vne republique & Conseil d'estat est dictée Gigantomachie laquelle ne se peut aisement faire que sous le pre-
texte & manteau du bien public, ou faict de Religion, Que s'il aduient qu'une Republique & Monarchie soit si bien regie, & la Justice si equitablement rendue qu'il n'y ait subiect de mutination & murmure pour le puissant ambitieux & sectaire, force luy est de prendre la couuerture de Religion & prétendre d'innouer ou retrancher les ceremonies de l'Eglise sous laquelle fausse feuille & couleur s'esleuent ligués, & attentent à l'estat ceux qui sont les plus proches & habiles pour succeder & paruenir à vne Corône.
Ce qui meut autresfois l'Empereur Iouinian de ne vouloir accepter l'Empire que premierement tous ne protestassent d'estre Chrestiens & Catholiques comme luy. Et non sans cause, car les conspirations estoient lors si frequentes contre l'estat que peu d'Empereurs s'en pouuoient redimer ne garantir. Preuoyant tres-prudemment c'est Empereur que la diuersité de religions faisoit planche à toutes seditions & enuieuxmens esquelz un homme de basse qualité, ou comme nous rapporte Erasme d'un Androclides pris par luy

*Histor. Tri-
part. lib. 7.
cap. 3. Ni-
10. cap. 39.*

luy pour vn Faquin se faict chef & suyure
comme vn roy.

Par ceste pareure & acoustrement de religion deux freres nommez l'un Amethes l'autre Muleamethes fils d'un Zidamethes Marchant d'Espiceries & confitureries dans le royaume de Dara (chose à la verité prodigieuse pour ce siecle) sont na pas long temps paruenus à plusieurs amples royaumes, freres lesquels (dict l'historien) apres auoir faict profession de regenter & instruire les enfans es lettres Arabiques, sont admonestez par leur pere (qui par science iudiciaire & Astronomique en laquelle il estoit tres-expert preuigeoit leur fortune) de voyager au loing & aller en Mecha & Tanalbis pour visiter le sepulchre de Mahomet ou ils sacheminēt & pour ce faire passent la mer rouge, descendent en Hierusalem iusques en Bizance, de la viennent en Affrique, s'arrestent quelque temps en Timetus ou commencent d'estre grandement reuerrez & en toute la Prouince tant à raison qu'ils estoient allez deuotieusement visiter les vieux monumens Hebraïques, que par leurs blancs habits recogneuz pour Mahometans & de la lignee de Mahomet de laquelle il se disoyent descendus. Si qu'ils contractent amitié auecques les Arabes Regules, s'adonnent aux armes, se liquent, attirent a eux les habitans & Roy de Fessan, de la Tingitanne & Cesarienne ou

*Paul. Iou.
in lib. ele-*

80.

*Theuctus
in cosmo-
graph.*

autremēt Imperialle Mauritanie, font guerre
 a Buccentuffus Roy de Maurrochus princi-
 palle ville & Prouince de ladicte Mauritanie
 distante du mont Athlas enuiron de trente
 mil pas qui valent xv. lieuës. Si que Buccen-
 tuffus assiegé est contrainct se rendre a com-
 position, laquelle luy est violee par Amethes
 l'aîné des deux freres qui le tue & s'empare
 de son Royaume. Ce faict le puisné surnom-
 mé Scyriffus qui en langue Arabique signifie
 vne personne Saincte & deuote passe le mô-
 t Athlas tres-opulent Royaume nommé Suzie
 lequel il enuahist & occupe de force. Non
 content de c'est ample Royaume, il enuie sur
 son frere Amethes le Royaume de Maurro-
 chus & le luy oste a condition qu'il regnera
 es pays de Daree & Staffilité que peu aupara-
 uant ils auoyent conquis a frais & forces
 communes, ceste cupidité n'est encores assés
 reslassee de ce Royaume de Maurroch⁹ qu'il
 ne vueille encores puis apres ietter l'œil d'é-
 uie sur le Royaume de Fessan, duquel non
 moins par dol que heur des armes, il chasse
 aussi son frere Amethes, destruiet & rase le
 fessan pour dresser son Trofne en Sala
 Expulse le Roy de Trezemenie, guerroye
 incessamment les Lusitains par si heureux
 succees qu'il prend les villes & places d'A-
 mazor, & Ghee ou le Roy fessatus est deffait,
 & le Roy Muleboason qui l'auoit secouru,
 despouillé de Velefie ville proche des Gades

en sorte que miserablement priué et de son pays & de son œil droit qui luy fut creué, il se fauve en Hespagne & de là va en Allemagne demander à l'Empereur secours, luy donnant l'espouuente, & rendant ce Scyrrifius merueilleusement redoutable. Histoire amplement discourue dans Paul Ioue par laquelle il enseigne les Rois de donner ordre que la Tolerance de diuerses Religions ne suggere occasion de cruelles & implacables guerres, Lesquels pourront tirer encores autre belle instruction de ce que Tite Liue, Valere le grand, & Pline nous recitēt estre aduenü sous le Consulat de Cornelius & de Blebius, que furent deux coffres trouuez par certains fossoyeurs dans vn champ appartenant a vn nommé Petilius escriuain, en l'un desquels estoit le corps de Numa Pompilius & en l'autre sept liures en Latin intitulez le droit Pontifical, ou des Pontifes, & sept autres en Grec de l'estude de sapience, par lesquels il destruisoit non seulement les dieux des Rommains que luy mesmes auoit pour regner instituez, mais aussi des autres peuples pour raison de quoy le Senat assemblé fut d'aduis de faire lesdicts liures brusler de peur de innouation & changement en la religion consequemment en l'estat.

C'est icy que le Seigneur Roy de Nauarre qui defaillant la lignee du haut tige des Vallois (laquelle Dieu veuille faire fructifier à

*Titus. Li-
uus. Dec.
4. lib. ult.
Valere lib.
1. Plin. lib.
13. Augusti
lib. 7. cap.
14. de Cāt.
De*

son honneur & soulagement du peuple François) se pretend heritier & successeur de la Couronne doit preuoir & preiuger que quād il y seroit paruenu en son accoustumé exercice de Religio nouuelle pourroit le Seigneur Prince de Condé son presumptif heritier luy rompre la paille & prendre le party des Catholiques pour la seule cupidité de regner laquelle hors ce beau & apparent subiect de Religion, nous lisons auoir occasionné infiniz meurdres & assassinats, mesmes en tous les plus proches degrez de consanguinité. Et meue (comme nous recitent les escriptures Sainctes) Adrael & Sarazar de tuer leur Pere Sennariq' Roy Assirien au conspect de tout le monde, & mesmes en vn temple. Abimelech fils de Ierobaal de faire perdre la vie à soixante deux de ses freres, afin de regner seul, & comme aussi par le tesmoignage des histoires Prophanes le semblable en ont fait, Domitian Empereur qui tua Plaius Clement son ayeul paternel, Artaxerces surnomé Mnennon qui tua Darius son fils qu'il accusoit de conspiration, Ptolomeus Auletez Cleopatre sa fille & Archelaus mary d'elle esleus par les Egipciens pour leur commander, Herode Roy de Iudée trois de ses enfans, Alexandre Aristobulus, & Antipater, pour auoir voulu attenter a son estat. De iotarus tous ses enfans fors vn pour le faire plus grand & ne diuiser son Royaume, Siro-

4. Regum

19.

Tranquil-
lius.

Trogus lib.

10.

Strabo lib

17.

Macrobius

lib. 7.

Cælius.

che qui auroit tué son Pere Cosroes Roy des Perles aagé & decrepité qu'il fust pour auoir institué par son testament Medor ses son fils Puisné Roy, Heraclius Empereur tue son pere Phocas, Másfredus son Pere Frederic aussi Empereur, Ardeius Tyran de Pamphilie fait le séblable Moyse Turcq son nepueu Orca- nes Roy de Turquie duquel il estoit tuteur, Alexius son frere Isacius Empereur, Attila Roy de Pannonie son frere Buda, Theodor- ric son frere, Theodebert fils de Chilperic Roy de France, Perrin de Fregouse Prince Geneuois son frere Nicolas, Amulius fils du Roy Porca Rodes Albanois son frere Numitor, & plusieurs autres qui se sont pour ce seul regard entretenez comme Etheoclez, & Polysticez enfans de Oedippus.

De dire que les Pollonnois, Suisses & Allemans admettent pour viure en repos toutes sectes & aduersité de Religions Nous respondrons que si les Roys se veulent à eux regler ils se doiuent resoudre de n'auoir en fin plus de Couronne n'y de souueraineté, & de s'assuicctir, voire esclauer au lieu de commander: Car tout ainsi que ces nations brutelles & barbares n'ont iamais voulu obeir aux commandemens de Dieu & de son Eglise Catholique ains auoir leurs ames & volontez libres, Aussi le semblable en ont ils voulu faire de leurs corps & biens lesquels ils ont affranchiz de la seruitude des Roys ayans les Allemans & Suisses cantonné leurs pais, &

*Id est Vala-
terr.*

*Baptist. E-
quatius.*

Plato lib. 1.

*de repub.
Volaterr.*

*Ouid. lib. 4
de fust.*

*Vergil. lib.
ne culice*

les Pollonnois tellement faict la Loy à leurs Roys qu'ils ne leur ont laissé que le non & l'honneur & a eux reserué toute l'autorité & puissance. Qui n'est autre chose qu'une Monarchie bastarde, en ce qu'elle participe & de l'Aristocratie qui est en peu de personnes nobles, riches, & choiziz entre les plus gens de bien, & de la démocratie qui est l'estat populaire. Postposables à la Monarchie laquelle est la plus certaine & supportables mesme par l'aduis de Platon, Aristote, Apolloine, Sainct Ciprian, & Sainct Hierosme comme se rangeans aux exemples de nature & iugeans que ainsi qu'en l'univers il ny a qu'un seul souverain Dieu, entre les estoilles vn soleil, entre les aucilles vn Roy chef entre les grues, & vn conducteurs des troupeaux, aussi qu'il n'y doit auoir qu'un Roy en la republique qui soit ainsi que vn chef auquel tous les membres s'accordent.

Par la pourront Messseigneurs les Princes qui se pretendent successeurs de la Couronne iuger comme ceste canaille de ministres qui leur faict resister au Sainct Esprit & à la verité non seulement leur ferment la porte du Royaume des cieux & oste la clef de science pour y entrer (perte innumerables fois plus grande que de toutes les Monarchie du monde) Mais aussi le passage & moyés de iamaiz paruenir à l'Estat Royal.

De vouloir repliquer que Gratian lequel

LUC. 6.

ROM. 2.

ACT. 7.

nous mettons au rang des Empereurs Catholiques, & qui deschassa mesmes les Ariens des Eglises pour les restituer à leurs vrayz Euesques & Prelats feist de son regne Edict par lequel il permettoit à vn chascun de viure selon son opinion, hors mis les Manichees Photinians & Eneuonians nous respondrons auecques Nicephore que c'estoit pour tascher a reunir les autres qui n'estoit si discordantes. Mais voyons quel fruct apporte c'est edict: Aduint que incontinent apres les Macedoniens qui denioient la puissance & diuinité du Sainct Esprit commencerent auec plusieurs autres à exciter nouueaux Scismes en l'Eglise, & a se rediuiser & desunir entre eux qui s'assemblerent en Antioche ou ils renouellerent l'erreur Arrienne & ordonnerent que ce mot consubstantial seroit osté du symbole comme n'estant contenu es escriptures saintes & que plus ne communiqueroient auecques les Prelats Catholiques.

Or puisque noz manieres de viure, noz doctrines, & noz creances, sont differentes, & que ne pouuons ensemble symboliser de volonté & d'esprit. Pourquoy establiions nous vne confraternité & cōcitoyennité du corps & du demeurant qui nattire que corruption Ne feroit il pas mal au cœur de veoir les libertins publiquement manger de toutes sortes de viandes, crapuler, & masquarader, no

ieusnans le Carefme, ne vſans que de poiſſon & faiſans penitence? Ne ſeroit ceſpas endurer vne marque & deriſion que nous celebrans le iour de la ſaincte Cene & Paraceue en toutes deuotions: & auſmosnes, en veoir chanter, rire danſſer, chaffer, & iouer? Qui ſeroit ſi patient qui ne ſen ſcandaliaſt? Qui ſeroit ſi deuotieux qui ne ſeuſt diuertie & attiré à emotion & ſedition? Qui ſeroit celuy qui ſe vouluſt auoiſiner de telles gens.

2. Corinth. (Ne vous accouplez point dict l'Apoſtre) avecques les infideles. Car qu'elle accointance peut il auoir de la lumiere avec' les tenebres? de Ieſus Chriſt avec Belial? ſeparez vous (dict-il) de tous freres cheminans deſordonnement & non point ſelon la traditiō qu'ils ont receüe de nous! Retirez vous de ceux qui font diſſentions & ſcandales contre la doctrine que vous auez appriſe. Ces obseruances auoient anciennement tant de vigeur que les Apoſtres & diſciples ne vouloient ſeulement pas cōmuniquer de parole avecques ceux qui auoient de praué la verité meſmes, qu'eſtant Sainct Iean l'Euangeliſte autresfois allé aux bains de Ephēſe ſen reuint & rebroſſa chemin ſans ſe lauer ſcaichant Cherintus heretique ſi l'auoit. Que ſi nous auons ces commandemens de l'Egliſe & Apoſtres, & que tant de Saincts Prophetes ayent pour ce ſeu ſuiect prins ce couſteau & de leurs propres mains occis & mis à mort

2. Corinth.

6.

2. Teſſal.

3. 1. re. 3.

Rom. 16.

Diu⁹ irene-

us lib. ad-

uers. heres.

3. cap. 3.

Diu⁹. oly-

carpus.

maxir de.

ſanct. iohan.

Bapriſt.

à mort les non croyâs & idolatres pourquoy
 sont ces reprouuez eshontez de faire requé-
 rir le Roy par Messieurs les Princes qu'ils
 possédét de les souffrir viure parmy nous en
 leur libertine façon veu que si nous sommes
 tels que a bon droict les reputons, ils doyuent
 suyuant les commandemens de la loy non
 seulement nous fuir. Mais aussi nous trou-
 bler le repos, & la paix de laquelle Sainct
 Iean Chrysostome nous deconuie quād Dieu
 & sa Religion sont offensez ou il faut dict-il
 persistant iusques à la mort. preferer verité à
 paix puisque aussi bien il faut dist vegetius
 en icelle preparer la guerre. Car la paix sous
 laquelle auons depuis quelques annees lan-
 guy & viuoté à tousiours tenu caché en son
 seing vn chaud braizier de guerre qu'il nous
 faut faire pour auoir dict Ciceron vne paix
 perdurable, avecques resolution que si nous
 succumbons & perdons iamaïs n'en aurons
 d icelles iouissance. Gisant la paix en volonté
 & la guerre en necessité pour en estre (selon
 Sainct Augustin) de Dieu deliurez, & par luy
 en paix conseruez laquelle ne doit estre cer-
 chee pour exercer la guerre. Mais bi n la
 guerre exercee pour la paix acquerir. Pour
 estre disent les Canonistes en guerroyant
 paisible pour combattre noz aduersaires &
 les ramener à l'vniou de la paix nous demeu-
 rans victorieux. Aquoy doient tēdre toutes
 noz intentions, & operations, principallemēt

Lucianus

Vegeti

lib. 3. cap 1.

Cice. 8.

Philippic.

August.

Epist. 1. ad

Bonifaciu.

C. Noli

existimare

23. questia

can.

Apud ve-

res.

en guerre intestine que nous auons fort à craindre & fuyr par ceste proposée obseruance tant des anciens Romains que Hetrusques lesquels auroyent erigé les Temples de Mars & Bellonne leur Dieu, & Deesse de guerre au dehors de leurs villes pour monstrier que les armées n'auoyent esté forgees pour s'en seruir es Ciuilles mais estrangeres discordes seulement. Ce que la Sainte loy ne veut auoir lieu en faict de Religion pour la defense & soustenement de laquelle il nous faut loger la paix au dehors plustost que de souffrir nouuelles & diuerses formes de priures, vrayes meres & matieres de dissentions. Obiecteront ceux qui craignas les vagues recourent au quadran duquel laiguille regarde incessamment le Nort par lequel l'on congnoist le vent afin de tirer la part ou est la tranquillité; & qui pretendent la nature ne nous auoir mis au monde pour estre instrumens de nostre mort. Que comme les Princcs & Seigneurs Romains qui tuerent Cesar, osterent bien du meillicu le Tyran mais ne peurent pas oster la Tirannie d'autat que tost apres se meut debat pour l'Empire entré Auguste & Marc Anthoine pour la dispute duquel furent en armes l'Europe l'Asie & l'Afrique. Aussi tant de guerres carnages & executions de Iustice faictes depuis la mort de nostre Sauueur iusques a huy n'ont peu deraciner les erreurs Scismes & heresies.

victrinius
cap. 7. .ib. 2
et Alexā.
ab Alexā.
Genial die
et lib. 2.
cap. 4.

Ca. Perlatu
90. dist.

que tousiours ne pullulassent, & teiettassent, de maniere (disent ils) qu'ils nous cōuendroient resoudre de viure a iamais en toute inquiétude trouble & fascherie.

Pour les contenter leur ferons de la terre le fossé & les payerons de l'occasion du mesme mal pour laquelle les Saincts Docteurs ont dict estre au tresgrand profit des fideles que l'occasion de combattre leur est reservee & a icelle fin que la creance & sainteté qui pourroit estre en eux ne les face enfler d'orgueil pendant que leur infirmité est persecutee & affligee

Qui a meu le Psalmiste d'exclamer contre les puissans ennemis du peuple par ces mots. O Seigneur remply leurs faces de vergongne & de honte, car ce sera lors que plus volontiers te chercheront & respecteront voullant dire que l'affliction nous deueloppe & desfile de nôtre infini d'erreurs esquels trespuchons & ^{chêons} ~~chêons~~ par oubliance. Aussi que comme nous enseigne Sainct Hierosme il est tres-malaisé voires impossible que puissions iouyr des biens presens & à venir, remplir icy bas nostre ventre & au ciel nostre ame & passer des delices aux delices. Pour laquelle consideration disoit S. Augustin au Chrestie afflige s'il te souuient des promesses du pere celeste tu ne craindras point d'estre en ce monde fouetté & flagellé, mais bien plustost d'estre en l'autre exheredé instruction que

*Prosperus
lib. 1. de
vocat. gēt.*

psal. 83.

*Diuus hieronymus
Epist. ad Iulianum
tom. 1.*

*Diuus August. in
psal.
Roman. 51.*

Cap. 31. & Sainct Paul a baillee a nos antiens Peres
 32. *Diuus* quand il a dict nous gloriffions nous mesmes
 Hier. *cpist.* en nos tribulations, scachans que la tribula-
 ad Iul. 10. tion engendre patience, la patience l'espreu-
 1. *Diuus* ue, & l'espreuue l'esperance laquelle ne con-
 Chrysost. fond iamais, dont nous auons exemple en
 home. 51. in Iob, & comme il fut sur le point d'estre de-
 cap. 14. liuré de la credene de perpetuelle langueur
 Mathee 10 ce fut lors qu'il luy suruint le plus de trouble
 mo. 1. & ennuy que si nostre deliurance est tarde &
 Iob. 71. lente a venir, nous deuons croire dit Sainct
 p/sal. 43. Iean Chrysostome, que Dieu le faict pour
 nous rendre plus forts, & prendre consolati-
 on tant sur ce que disoit ce bon Patriarche
 de nostre vie humaine, qu'il estimoit non
 seulement pas vne figure de guerre mais la
 guerre mesme que sur ce que chantoit Da-
 uid, quand il se reconnoissoit voué & des-
 tiné aux autels de Dieu, ainsi que la brebis
 d'occision. C'est pourquoy se compare &c.
 comparé la Religion Chrestienne a la Nefs
 deça dela, par vens & flots tourmentee &
 agitee, Le gouuernal de laquelle fut premie-
 rement baillé ce Sainct Pierre l'Apostre par
 nostre Redempteur qui le premier & au plus
 fort de la furieuse rage des Torrens sy est
 embarqué & suby le peril, Nous monstrant
 que ce n'estoit en ce monde qu'il vouloit
 dresser le bastiment de nostre repos lequel
 ses precurseurs mesmes n'y auoient peu edif-
 fier ce que le Prophete Dauid nous enseigne

par plusieurs psalmes esquels il fait priere a Dieu. Maintenant a ce que soyent estaints ses ennemis, il sorte d'exil & retourne en son pays, Maintenant a ce qu'il soit preserue des trahisons & proditions des Ziphites, & maintenant pour le peuple & l'Eglise de Dieu naturee dextremes afflictions tant par Saul, Antiochus, Babiloniens & Siriens que Moabites, Idumees, & Palestins, puis pour nous exhorter de prendre cœur & de ne nous coucher sous la pesanteur des aduersitez & preuuer que Dieu veut iournellement faire de la forteresse de nos constances & creantes avecques certaine esperance de tres-heureuse & tres-desiree yssue chante & descrit tantost les recongnissances du secours, enuoyé a la Sainte Cité de Hierusalem toujours preseruee par la deité. Tantost les remerciemens des insignes victoires donnees du Seigneur sur ces capitaux ennemis, & gaing des batailles emportees sur les Siriens, Idumees & Mahometans, & tantost les actions de graces pour la deliurance de la Tirannie & oppression de Saül & Palestins, liberation de la captiuité Babilonienne & restitution des Israélites en leurs pays, apres toutes lesquelles prieres & hautes louanges, il nous représente vne supreme vniuerselle & solide victoire, paix, & resiouissance a la fin de nostre vie & de ce monde. Nous promettant d'estre eternellement beatifiez en

Psal. 6. 17.

20. 54. 56

69. 70. 83.

100. 123.

143.

Psal. 9.

21. 46. 60

68. 76. 144.

147. 148.

149. 150.

150.

Psal. II.

l'autre. Qui demonstre assez deuoir nostre Eglise Chrestienne & Catholique tousiours estre vigilante & militante pour la conseruation & fermeté de sa foy, laquelle dict le mesme Psalmiste pour estre par fois ou incessamment agitée & combatue ne peut toutesfois estre iamais vaincue, au contraire plus est fortifiée & enracinée ne plus ne moins dict le Poëte.

Vergilius.

*Que Boreas & des Alpes les vens
Par grande escouffe, & par forts soufflemens
Deçà dela lon entend se combattre
Pour le vieil chesne arracher & abbatre
Qui plus resiste.*

Perius va-
lerianus.
lib. 51.

Aussi est il décrit & prins és Hieroglyphiques pour vne impugnable force & permanente stabilité en laquelle nous deuons les armes au poing & par impitoyable guerre maintenir nostre Religion cessant le quel point il n'ya à la verité chose en ce monde qui doiue estre plus religieusement & meurement deliberee attendu le hasard du ieu auquel il n'est loisible deux fois fallir, & qui autrement ne peut qu'il ne soit d'une part & d'autre perilleux tant au vainqueur que vaincu de maniere qu'auant toucher & remuer ce det chasseux conuient tenter tous moyens de s'en pouuoir abstenir, & plüstoit remettre & quitter (dict Sainct Augustin) la pluspart du sien & de la commodité. Ce que le Roy a faict iusques a present, & non seulement

August.
Himel. 10.

baillé places & villes & accordé telles seuretez que les deuoyez ont voullu, mais aussi apres auoir longuement porté sur le dos la cuirasse de patience rasché tant qu'il a peu de les remettre au vray & droict chemin, lequel exemplairement il a luy mesmes pris avecques la plus grande Sanctimonie & austerité qui ait oncques esté veüe, brief faict tout deuoir de les rappeler par douceur a l'imitation de ce braue & genereux Cesar qui faisoit la plus part de ses cōquestes plus par benigne attraction que sanguinaire effusion, Mais au lieu d'estre venus a repentance, d'auantage se sont endurcis & obstinez, au lieu de se reformer & cōformer au bonnes mœurs de leur Prince ont prins toute autre contraire maniere de viure, Au lieu d'aggrandir & amplifier la souueraineté Royale ils l'ont Eclipsee par la retention des places qu'ils se sont reseruees, au lieu d'obeir tousiours voulu faire ainsi que les anciens yallets & subiects de Sirie qui comme Gouverneurs Rois & Empereurs commandoyent aux armées Prouinces & Polices, ou leurs Maistres chez eux seullement, & au lieu d'embrasser le public repos, se sont infinies fois esleuez, felonnez, cantonnez, & rendu la pluspart des villes comme estrangeres, frontieres, & limitrophes. Qui pis donne exemple a aucuns factieux d'en faire le semblable, & de planter au Royaume vne Anarchie qui est de vouloir

vn chacun commander, ayans plus que trop
 audacieusement eux clos, nous declos, eux
 arméz, nous descouverts & nuds, assis & po-
 sé à nos yeux la garde & sentinelle, sonne a
 nos oreilles la Diane & faiet iournelles ou-
 uertures & clostures de portes Citadines
 hostilement & au bat de tambour & nous
 tenans pour estrangers ou ennemis. Endores
 non contens praticque ligues & forces estrā-
 geres contre nous & nostre Eglise, a la sub-
 uersion de la guerre, oculairement ils se pre-
 parent chercheans chacun iour propre sub-
 iect & occasiō qui leur viendroit fort a main-
 & souhait, si l'estat public estoit successiue-
 ment deuolu à ceux desquels ils font leur
 rempart & forteresse, Si que chacun regni-
 cole est entre le marteau & l'enclume, entre
 l'esperance & desespoir & entre la mort &
 la vie laquelle deppend de l'extermination
 de l'vne ou l'autre Religion, si que la vie &
 salut de tant de Catholiques que nous som-
 mes ne tient que a vn petit filet, si que peril-
 sonstous par la mort d'vn seul, si que faillant
 le Roy dont Dieu nous veuille par sa diuine
 bonté preseruer toute nostre Religion saut
 & perist.

Et routes C'est doncques a nous d'entrer en senti-
 nelle & faire bon guet, cest a nous de penser
 profondement a nos affaires, C'est a nous de
 preneoir que l'estat & controuerse de la cau-
 se est de scauoir si nous deuōs viure ou mou-

rir, si nous sommes enfans spirituels de Sara ou Agar, si nostre Eglise est l'espouse de dieu ou non, si nous sommes ses enfans legitimes ou bastards, si nous seront admis a la resignation des Offices & dignitez Royales ou exclus, si nous serons banniz ou non. Si l'interpretation & execution de la rigueur des droicts ordonnances & loix doiuent tourner a nostre seul preiudice & desavantage ou a l'entiere faueur de noz aduersaires si les cōdamnations ne seroit destinees que a noz seules pertes, & miseres. Si les conuiences & impunitez ne seront introduictes que a maintenir la liberte & insolence de nos ennemis. Si le cousteau de la iustice ne coupera & trenchera que le seul innocent Catholique, ou si l rebouschera contre le coupable heretique, & si l'en sera ainsi que c'est immunerable Cence tousiours exempt, & si en fin toute nostre substance & noz biens demeureront aux heretiques ou a nous. A toutes lesquelles lamentables calamitez il nous faut resoudre si ne mettons puissantes barrieres & hautes chaussees au deuant de tels furibonds Torrens, ou si pour nous en garentir ne voulons quitter la part que nous esperons en la Celeste beatitude pour adherer a ceux qui suiuent les troupes desolees des malheureux damnez.

Il nous cōuient doncques esuertuer à maintenir & garder la possession en laquelle nous

sommes quinze cens ans sont, soustenir l'anti-
 quité de noz ritres & monstrent estre fon-
 dez tant sur loys diuines que politiques &
 confirmees par l'aduis de tant de saincts &
 bien viuans Papes, Euesques, docteurs &
 legislateurs qui ont a lesclarcissement de no-
 stre droict consommé tout le temps de leurs
 vies beaucoup sans comparaison plus croya-
 bles qu'un petit nombre d'auanturiers & A-
cephales ministres viuans desordonnement
 sans chef & supérieur ainsi que sans regle &
 ordre ayans la ceruelle tellemēt Isthiomene
 qu'il ne se peuēt les vns les autres accorder
 leurs erronees opinion comme ont faict
 d'une mesme consonance & vnison les Pre-
 lats & docteurs de toute la Chrestiennté &
 aux quatre Conciles generaux tenuz & as-
 semblez pour la resolution des poincts con-
 trouuersees en nostre Religion, laquelle selon
 l'oracle d'Apollon & reïponse, faicte aux
 Atheniens nous deuons tousiours conseruer
 en ses loix & coustumes anciennes Oracle
 que le Roy tant de son propre mouuement
 que tressage aduis de Messieurs les Princes
 & officiers de la couronne s'est en fin resolu
 de faire inuiolablement garder nonobstant
 autres nouuelles declarations ou concilles
 requis par les deuoyez sous ombre de quel-
 ques pretendues maluersations & mauuais
 exempls d'aucuns Ecclesiastiques lesquels
 ne sont (ainsi que la Maïesté à sainctement

recongneues par son premier & second edict de reunion & restrinction des six mois) valables moyens pour corrompre l'integrité de nostre Religion non plus que le mauuais comportemēt du Iusticier l'equité des Loys, A laquelle fin a dit certain Poëte Grec.

La Justice qui nous maintient

Toutes vertus en soy contient

Theocus

Car de vouloir regarder d'un laid & corrompu œil les choses saines & entieres, ainsi que l'on feroit celuy qui les a voulu corrompre & vitier c'est doubter de la bonté de ce qui est parfait & se monstrier vuide non seulement de Dieu & de Religion Mais aussi de raison & entendement, comme estant par l'aduis du Philosophe Hierocles Maxime necessaire & infallible que celuy qui n'a point de Dieu & de Foy certaine & assuree n'ait point de Iugement & sagesse, & celluy qui n'a iugement n'ait comme hors de sens point de Dieu & de Religion principal fondement des Royaumes & Monarchies.

*Hy es
in aurea
pythalo
carm.*



